

Radionucleido	Actividade por unidade de masa — (kBq/kg)
Co-58	10
Fe-59	10
Ga-67	10 <sup>2</sup>
Se-75	10 <sup>2</sup>
Sr-85	10 <sup>2</sup>
Sr-89	10 <sup>3</sup>
Y-90	10 <sup>3</sup>
Mo-99	10 <sup>2</sup>
Tc-99	10 <sup>4</sup>
Tc-99m	10 <sup>2</sup>
In-111	10 <sup>2</sup>
I-123	10 <sup>2</sup>
I-125	10 <sup>3</sup>
I-131	10 <sup>2</sup>
Pm-147	10 <sup>4</sup>
Er-169	10 <sup>4</sup>
Au-198	10 <sup>2</sup>
Hg-197	10 <sup>2</sup>
Hg-203	10 <sup>2</sup>
Tl-201	10 <sup>2</sup>
Ra-226	10
Th-232	1

2. Para aqueles radionucleidos que non figuran na táboa anterior, os valores de actividade por unidade de masa (kBq/kg) que deberán considerarse son os establecidos no anexo I, táboa A, columna 3.<sup>a</sup>, do Regulamento sobre instalacións nucleares e radioactivas, aprobado polo Real decreto 1836/1999, do 3 de decembro.

3. No caso de que o material residual estea contaminado cunha mestura de radionucleidos, para que poida ser xestionado como residuo convencional deberá cumprirse a seguinte condición:

$$\sum_{i=1}^n \frac{C_i}{N_i} \leq 1$$

sendo,

«C<sub>i</sub>» a actividade por unidade de masa en kBq/kg de cada radionucleido «i» presente no material residual.

«N<sub>i</sub>» o valor establecido na táboa para o radionucleido «i».

«n» o número de radionucleidos existentes no material residual.

## MINISTERIO DE MEDIO AMBIENTE

**11384** REAL DECRETO 606/2003, do 23 de maio, polo que se modifica o Real decreto 849/1986, do 11 de abril, polo que se aproba o Regulamento do dominio público hidráulico, que desenvolve os títulos preliminar, I, IV, V, VI e VIII da Lei 29/1985, do 2 de agosto, de augas. («BOE» 135, do 6-6-2003.)

A Lei 46/1999, do 13 de decembro, de modificación da Lei 29/1985, do 2 de agosto, de augas, na súa dis-

posición derradeira primeira autoriza o Goberno e o ministro de Medio Ambiente, no ámbito das súas respectivas competencias, para dictaren as normas regulamentarias que requiran o seu desenvolvemento e aplicación.

Pola súa banda, a disposición derradeira segunda habilita o Goberno para dictar un real decreto lexislativo no que se refunda e adapte a normativa legal existente en materia de augas.

O mandato anterior obedece a aprobación do texto refundido da Lei de augas, aprobado por Real decreto lexislativo 1/2001, do 20 de xullo.

Unha vez aprobado o texto que refunde a lexislación vixente en materia de augas, procede aproba-lo desenvolvemento regulamentario previsto no texto legal.

Sen embargo, este desenvolvemento non ten un carácter uniforme debido a que algúns dos aspectos obxecto de reforma na Lei 46/1999 se verán afectados pola necesaria transposición da Directiva 2000/60/CE, na que se establece un marco comunitario de actuación no ámbito das políticas de augas. A complexidade técnica dalgunhas cuestións e a necesidade de abordar unha reforma en profundidade da norma regulamentaria, en aspectos tales como a simplificación dos distintos procedementos administrativos, sen dúbida un dos principais retos das modernas administracións ó que non pode ser allea a Administración hidráulica, e a necesidade de recolle-los novos conceptos, metodoloxías e criterios derivados de desenvolvementos tecnolóxicos, aconsellan aprobar, de momento, unha norma limitada ós aspectos máis necesitados de desenvolvemento regulamentario, ó tempo que se establecen algunhas precisións ou se corrixen aspectos concretos de gran transcendencia na xestión do recurso, aprazando a un futuro próximo a revisión completa das normas de desenvolvemento en materia de augas. Con iso pecharase o proceso de modernización e adaptación da lexislación española reguladora das augas continentais.

Atendendo ós criterios expostos, son obxecto de regulación neste real decreto as seguintes materias:

a) No título II, «Da utilización do dominio público hidráulico», capítulo III, as seccións 1.<sup>a</sup>, 6.<sup>a</sup>, 8.<sup>a</sup>, 11.<sup>a</sup> e 12.<sup>a</sup>, relativas á modificación das características das concesións, concesión de augas en xeral, especialidades na tramitación de certas concesións, acuíferos sobreexplotados e rexistro de augas, respectivamente. No capítulo IV engádese un novo parágrafo ó punto 8 e un punto 9 no artigo 201.

b) No título III, «Da protección do dominio público hidráulico e da calidade das augas continentais», dentro do capítulo I, sección 1.<sup>a</sup>, engádese un novo punto ó artigo 234, e dáselle unha nova redacción á sección 2.<sup>a</sup> do capítulo I, dedicada ó apeo e deslindamento dos bens de dominio público hidráulico, e ó capítulo II, relativo ás verteduras.

c) No título IV, «Régime económico financeiro da utilización do dominio público hidráulico», redáctase por enteiro o capítulo II, dedicado ó canon de control de verteduras.

d) No título V, «Infraccións e sancións», modifícanse dous aspectos puntuais do réxime de infraccións e sancións: o relativo á valoración dos danos causados ó dominio público hidráulico e o que afecta a forma de pagamento das sancións.

e) Créase un título VI dedicado ó contrato de cesión de dereitos ó uso privativo das augas.

Este real decreto contén, ademais, diversas disposicións:

As adicionais fan referencia, respectivamente, ás referencias que o Real decreto 849/1986, do 11 de abril,

fai á Lei de augas, que se entenderán feitas ó artigo correspondente do texto refundido da Lei de augas, aprobado polo Real decreto lexislativo 1/2001, do 20 de xullo, conforme o anexo correspondente; as funcións que exercen os organismos de bacía de acordo con este real decreto nas bacías intercomunitarias corresponderán ás administracións hidráulicas das comunidades autónomas que exerzan competencias en virtude dos seus estatutos, nas bacías intracomunitarias, ás substancias perigosas e ás normas de calidade ambiental.

As disposicións transitorias refírense ós acuíferos que contan con declaración provisional de sobreexplotación ou de risco de o estar, sobre os cales nun prazo de dous anos se aprobará un plan de ordenación; ás autorizacións de vertedura outorgadas conforme a Lei 29/1985, do 2 de agosto, de augas, e as súas normas de desenvolvemento, que serán revisadas para a súa adecuación á normativa en vigor nun prazo de dous anos; ás empresas colaboradoras que obtivesen o título de idoneidade e estean inscritas no rexistro especial, que deberán acomodarse ó disposto neste real decreto, quedando suprimido aquel rexistro.

Por outra banda, derróganse cantas disposicións de igual ou inferior rango se opoñan ó disposto neste real decreto. Expresamente derrógase o Real decreto 1327/1995, do 28 de xullo, sobre instalacións de desalgamento de auga mariña ou salobre, as disposicións do cal se opoñen á regulación contida no artigo 13 do texto refundido da Lei de augas, no que se recolleu a actividade de desalgamento incorporada expresamente como actividade libre na lexislación de augas mediante a Lei 46/1999, do 13 de decembro.

Nas disposicións derradeiras autorízase o ministro de Medio Ambiente para dictar cantas disposicións resulten necesarias para a súa aplicación e desenvolvemento, e sinalase cando entrará en vigor.

Por último, consta o regulamento de catro anexos, nos que se conteñen, respectivamente, a asignación de votos nas comunidades de usuarios, os contaminantes, as relacións I e II de substancias contaminantes e o cálculo do coeficiente de maioración ou minoración do canon de control de verteduras.

Na súa virtude, por proposta da ministra de Medio Ambiente, de acordo co Consello de Estado e logo de deliberación do Consello de Ministros na súa reunión do día 23 de maio de 2003,

## DISPONGO:

**Artigo único.** *Modificación do Real decreto 849/1986, do 11 de abril, polo que se aproba o Regulamento do dominio público hidráulico, que desenvolve os títulos preliminar, I, IV, V, VI e VIII da Lei 29/1985, do 2 de agosto, de augas.*

O Regulamento do dominio público hidráulico, que desenvolve os títulos preliminar, I, IV, V, VI e VIII da Lei 29/1985, do 2 de agosto, de augas, aprobado polo Real decreto 849/1986, do 11 de abril, modifícase nos seguintes termos:

Un. O terceiro parágrafo do artigo 102 queda redactado do seguinte xeito:

«Nas concesións de auga para usos hidroeléctricos fixaranse, ademais, as características técnicas dos grupos instalados e o tramo de río afectado, entendendo por tal o comprendido entre as cotas de máximo encoramento normal no punto de toma e de restitución ó leito público.»

Dous. O artigo 129 queda redactado do seguinte xeito:

«Nas tramitacións a que se refire o punto 1 do artigo anterior, prescindirase do trámite de competencia de proxectos, e a información pública realizarase unicamente mediante anuncio no boletín oficial da provincia onde estea situada a toma e nos concellos dos municipios onde radique calquera obra ou instalación ou se utilicen as augas, sen prexuízo da facultade do organismo de bacía de amplialo ámbito desta publicación, cando discrecionalmente o considere pertinente.»

Tres. O punto 2 do artigo 144 queda redactado do seguinte xeito:

«2. Por características esenciais entenderanse: identidade do titular, caudal máximo e continuo medio equivalente a derivar, corrente e punto de toma, finalidade da derivación, superficie regada nas concesións para rega e tramo afectado nas destinadas a produción de enerxía eléctrica.»

Catro. Os puntos 2, 3 e 5 do artigo 151 quedan redactados do seguinte xeito:

«2. As modificacións que non supoñan alteración do destino das augas, do caudal ou do tramo de río afectado polos aproveitamentos hidroeléctricos tramitaranse sen somete-la concesión resultante a nova competencia de proxectos, calquera que sexa o momento en que se soliciten.

3. Se as modificacións supoñen alteración do caudal, calquera que sexa a finalidade da concesión, ou do tramo afectado no leito polos aproveitamentos hidroeléctricos, e aquelas se solicitan antes de que se executase o 20 por cento do orzamento das obras proxectadas, tramitaranse sen nova competencia de proxectos, cando a variación non supere o 10 por cento en máis ou en menos, a non ser que, en caso de diminución, o organismo de bacía considere conveniente o dito trámite. Se as variacións superan o 10 por cento en máis ou en menos, someterase sempre a novo trámite de competencia de proxectos a totalidade da concesión, incluídas as modificacións.

En calquera caso, as modificacións, para seren tramitadas, definiranse no proxecto de construción, e neste recolleranse co mesmo grao de definición as obras xa executadas, se as hai, e a súa valoración.»

«5. As variacións en máis ou menos do 10 por cento, indicadas nos artigos anteriores, a falta doutros criterios de valoración recollidos no plan hidrolóxico de bacía, consideraranse sobre o caudal para tódalas finalidades das concesións, excepción feita das destinadas a produción hidroeléctrica, nas que esta variación se considerará sobre o denominado índice concesional, que queda definido como o produto do caudal expresado en metros cúbicos por segundo polo desnivel do tramo afectado en metros. Se o salto tivese varias tomas ou o aproveitamento estivese composto por varios saltos, o índice concesional será a suma dos produtos indicados para cada toma.

En caso de variacións sucesivas, a comparación para determinar se aquelas superan o 10 por cento farase sempre entre a concesión inicial e a resultante da última variación en trámite.»

Cinco. O primeiro parágrafo do artigo 153 queda redactado do seguinte xeito:

«Nas modificacións que supoñan aumento de caudal, calquera que sexa a finalidade da concesión, ou aumento do tramo afectado nos aproveitamentos hidroeléctricos determinarase o prazo resultante para a reversión da concesión modificada de acordo coa seguinte fórmula:

$$P = (75 - T) \cdot V / 1 + V$$

na que V é o tanto por 1 de variación do caudal ou do índice concesional; T é o prazo non transcorrido da concesión anterior e P é o prazo que debe engadirse ó que aínda quedaba por gozar na concesión anterior.»

Seis. O artigo 171 queda redactado do seguinte xeito:

«1. O organismo de bacía competente, oído o Consello da Auga, poderá declarar que os recursos hidráulicos subterráneos dunha zona están sobreexplotados ou en risco de o estaren. Nestas zonas o organismo de bacía, de oficio ou por proposta da comunidade de usuarios ou órgano que a substitúa, conforme o artigo 87.2 do texto refundido da Lei de augas, aprobará, no prazo máximo de dous anos desde a declaración, un plan de ordenación para a recuperación do acuífero ou unidade hidroxeolóxica. Ata a aprobación do plan, o organismo de bacía poderá establecer as limitacións de extracción que sexan necesarias como medida preventiva e cautelar.

O referido plan ordenará o réxime de extraccións para lograr unha explotación racional dos recursos, e poderá establecer a substitución das captacións individuais preexistentes por captacións comunitarias, transformándose, se é o caso, os títulos individuais cos seus dereitos inherentes nun colectivo que deberá axustarse ó disposto no plan de ordenación, de acordo co disposto no artigo 56.1 do texto refundido da Lei de augas.

2. Para os efectos previstos no punto anterior, considerarase que os recursos subterráneos dunha zona están sobreexplotados ou en risco de o estaren cando se dea algunha das seguintes condicións:

a) Que se estea pondo en perigo a subsistencia dos aproveitamentos de augas subterráneas existentes ou dos actuais ecosistemas directamente asociados a estas augas que foron obxecto de delimitación e posterior declaración conforme a lexislación ambiental, como consecuencia de que se viñesen realizando nos acuíferos da zona extraccións medias anuais superiores ou moi próximas ó volume medio interanual de recarga.

b) Que se veñan realizando extraccións que xeren unha deterioración significativa da calidade da auga.

c) Que o réxime e concentración das extraccións sexa tal que, aínda non existindo un balance global desequilibrado, se estea pondo en perigo a sostibilidade dos aproveitamentos a longo prazo.

3. O procedemento de declaración iniciarase de oficio, por acordo da Xunta de Goberno do organismo de bacía, por instancia da comunidade de usuarios do acuífero, ou por instancia de usuarios que acrediten estar utilizando, polo menos, a metade do volume medio interanual extraído legalmente.

4. Iniciado o procedemento, o organismo de bacía elaborará un estudo sobre a situación do acuífero no que se xustifique, se é o caso, a procedencia da declaración e poderá solicitar para o

efecto informe do Instituto Xeolóxico e Mineiro de España. Para a elaboración do estudo consideraranse os datos e determinacións dos plans hidroolóxicos que procedan, así como a posible información existente que puidese complementalos ou actualizalos.

5. Elaborado o estudo, someterase a dictame do Consello da Auga da bacía, no informe do cal deberán indicarse tanto a procedencia da declaración como, se é o caso, as rectificacións suxeridas para a adaptación parcial do plan hidrolóxico de bacía correspondente, de acordo co establecido para o proceso de revisión dos plans. Para estes efectos, será suficiente a constatación motivada da sobreexplotación, sen que deban incluírse propostas que resulten propias do plan de ordenación. Examinado este informe, a Xunta de Goberno resolverá expresa e motivadamente sobre a declaración de acuífero sobreexplotado ou en risco de o estar.

Esta declaración delimitará o perímetro da zona afectada e comportará os seguintes efectos:

a) Paralización de tódolos expedientes de autorización de investigación ou de concesión de augas subterráneas dentro daquel, excepto as destinadas a abastecemento de poboación que non poidan ser atendidas con outros recursos alternativos.

b) Suspensión do dereito establecido no artigo 54.2 do texto refundido da Lei de augas para a apertura de novas captacións. Este tipo de uso queda sometido, durante a vixencia da situación de sobreexplotación, ó réxime de autorización que se establecese expresamente para esta na declaración, sen que iso dea lugar a indemnización.

c) Paralización de tódolos expedientes de modificación de características das concesións de augas subterráneas que se encontren en tramitación, excepto aquelas que teñan como obxectivo o mero mantemento do caudal extraído no momento da declaración.

d) Establecemento das limitacións de extracción ou criterios de explotación que sexan necesarios como medida preventiva e cautelar ata a aprobación do plan de ordenación.

e) Constitución forzosa da comunidade de usuarios dos acuíferos da zona, se non existise, por aplicación do artigo 87 do texto refundido da Lei de augas. A definición do perímetro da comunidade basearase no ámbito territorial da utilización dos recursos hídricos e na definición hidroxeolóxica das unidades ou acuíferos afectados segundo o plan hidrolóxico de bacía, e poderá, de forma motivada, matizarse esta definición con outras consideracións locais tendentes a facilitar un uso máis racional dos recursos dispoñibles ou unha maior protección do dominio público hidráulico.

f) Remisión ó Goberno da proposta do Consello da Auga sobre modificacións do plan hidrolóxico, de conformidade co regulado no proceso de seguimento e revisión dos plans hidrolóxicos de bacía.

g) Redacción polo organismo de bacía, oída a comunidade de usuarios, dun plan de ordenación das extraccións para lograr unha explotación racional dos recursos, procurando o mantemento dos aproveitamentos existentes e a sostibilidade de ecosistemas actuais directamente vinculados ós acuíferos da zona.

6. O plan de ordenación a que se refire o punto anterior:

a) Ordenará o réxime de extraccións do perímetro delimitado, podendo establecer a substitución das captacións individuais existentes por cap-



tacións comunitarias, transformándose, se é o caso, os títulos individuais cos seus dereitos inherentes nun título colectivo que deberá axustarse ó que o propio plan estableza.

b) Poderá propo-las medidas técnicas e administrativas que coide oportunas para a mellor utilización do dominio público hidráulico na zona afectada.

c) Será de obrigado cumprimento para tódolos aproveitamentos existentes, incluíndo os recoñecidos no artigo 54.2 do texto refundido da Lei de augas e os dereitos sobre augas privadas a que se refire a disposición transitoria terceira da Lei 29/1985, do 2 de agosto, de augas, sen que iso dea dereito a indemnización.

d) Poderá propo-la celebración de convenios coa comunidade de usuarios ou órgano representativo equivalente, nos que se prevexa, entre outras determinacións, o apoio económico e técnico do organismo de bacía á comunidade de usuarios ou órgano representativo para o cumprimento dos termos do plan.

e) Fixará o seu prazo de execución e de vixencia das súas determinacións, e poderán adoptarse diferentes fases de implantación segundo os resultados que se vaian obtendo.

f) Será sometido a información pública e informe do Consello da Auga da bacía, e será aprobado pola Xunta de Goberno do organismo no prazo máximo de dous anos desde a declaración de sobreexplotación.

7. Unha vez aprobado, o control da execución do plan corresponderá a unha xunta de explotación da que a constitución se acordará xunto coa aprobación. Esta xunta elaborará un informe anual de seguimento, coas propostas de modificación que coide procedentes. A Xunta de Goberno do organismo de bacía poderá acorda-las ditas modificacións, logo de informe da comunidade de usuarios ou órgano representativo equivalente.

8. Se ó termo do prazo establecido para a execución do plan se alcanzasen os obxectivos fixados neste, as ordenanzas da comunidade adaptaranse ó novo réxime de explotación. En caso contrario, a Xunta de Goberno do organismo de bacía deberá acordar prórrogas bianuais do plan, coas modificacións que coidase oportunas.

9. As principais determinacións e efectos conseguidos polo plan de ordenación deberán incorporarse á seguinte revisión completa do plan hidrológico da bacía.»

Sete. A sección 12.<sup>a</sup> do capítulo III do título II queda redactada do seguinte xeito:

«SECCIÓN 12.<sup>a</sup> DO REXISTRO DE AUGAS  
E DO CATÁLOGO DE AUGAS PRIVADAS

*Subsección 1.<sup>a</sup> Do Rexistro de Augas*

Artigo 189. *Rexistro de Augas do organismo de bacía.*

1. Os organismos de bacía levarán un rexistro de augas no que se inscribirán de oficio as concesións e outros títulos de dereito para a utilización das augas, así como os cambios autorizados que se produzan na súa titularidade ou nas súas características.

2. As referidas inscricións faranse no rexistro do organismo de bacía na circunscrición territorial do cal radique a toma ou captación do recurso.

3. A organización e funcionamento do Rexistro de Augas serán determinados polo ministro de Medio Ambiente.

Artigo 190. *Estructura do Rexistro de Augas.*

En cada organismo de bacía existirá un único rexistro de augas, formado por unha estrutura informática de datos e un libro de inscricións, organizado en tres seccións que se designan coas letras A, B e C, anotándose nelas, respectivamente, os seguintes tipos de aproveitamentos:

a) Sección A: concesións de augas superficiais ou subterráneas; reservas legalmente constituídas a favor das confederacións hidrográficas; dereitos adquiridos por prescrición ou por outro título legal; autorizacións especiais ás que se refire o artigo 59.5 do texto refundido da Lei de augas e outros dereitos provenientes do anterior Libro de rexistro de aproveitamentos de augas públicas.

b) Sección B: aproveitamentos dentro do mesmo predio catastral de augas procedentes de mananciais situados no seu interior e de augas subterráneas cando o volume total anual non supere os 7.000 metros cúbicos, así como as augas pluviais que discorran por ela e as estancadas dentro dos seus lindeiros, a que se refire o artigo 54 do texto refundido da Lei de augas.

c) Sección C: aproveitamentos temporais de augas privadas ás que se refiren as disposicións transitorias segunda e terceira do texto refundido da Lei de augas.

Artigo 191. *O libro de inscricións.*

O Rexistro de Augas estará composto por unha estrutura informática de datos e a súa transcrición en papel que se denomina libro de inscricións, que estará integrado por follas móbiles foliadas e seladas polo organismo de bacía, consignándose nelas o tomo e nome do rexistro. Na primeira folla de cada libro formalizarase unha certificación datada, na que se fará consta-lo número de inscricións que o compoñen.

Artigo 192. *Inscricións.*

1. Cada aproveitamento abrirá folio rexistral no libro de inscricións.

Para os efectos de inscrición, enténdese por aproveitamento o dereito a utilizar un volume determinado de auga que se toma dun ou varios puntos, para un ou varios usos, dentro dunha mesma concesión ou dereito ó uso privativo das augas.

2. A primeira inscrición dun aproveitamento será a de inmatriculación e conterá os seguintes puntos:

a) Sección: A, B ou C.  
b) Número de inscrición. Manterase invariable para os distintos tractos ou modificacións dun mesmo aproveitamento.

c) Clave. Identificará como mínimo o número de expediente co que se tramitou o dereito.

d) Corrente ou acuífero do que procedan as augas.

e) Lugar, termo municipal e provincia na que se capta a auga. Incluiranse as coordenadas Universal Transversa de Mercator (U.T.M.), e o fuso a que están referidas, de cada unha das tomas.

f) Identificación do concesionario ou titular do dereito que se inscribe.

g) Tipo de aproveitamento. Consignarase o uso ou usos a que se destina a auga: abastecemento, rega, hidroeléctrico, recreativo, industrial ou outro

dos especificados no artigo 60 do texto refundido da Lei de augas.

h) Características. En función do tipo de aproveitamento indícanse os datos que definan claramente o uso da auga, tales como o número de habitantes, cabezas de gando, superficie de rega en hectáreas ou tramo afectado nos aproveitamentos hidroeléctricos, e o lugar da súa aplicación.

i) Prazo polo que se outorga a concesión ou se mantén o dereito.

j) Volume máximo anual, en metros cúbicos e modulación establecida.

k) Caudal máximo instantáneo para derivar por toma, expresado en litros por segundo.

l) Título que ampara o dereito, con expresión da data e autoridade que o outorgase.

m) Condicións específicas da concesión ou do dereito que se inscribe.

3. As referencias cartográficas das tomas de auga e dos seus lugares de aplicación realizaranse mediante a definición de puntos ou recintos, se é o caso. As coordenadas que se van utilizar serán, de acordo cos sistemas de referencia e xeodésico oficiais, as da proxección Universal Transversa de Mercator (U.T.M.), con indicación do fuso correspondente.

4. Tódolos asentos posteriores ó inicial e relativos ó mesmo aproveitamento practícanse a continuación, numerándoos correlativamente. Farase constar o número de expediente se é distinto do inicial. Así mesmo, consígnase o número correspondente do antigo Libro rexistro de aproveitamentos de augas públicas, cando se produza o traslado de asento.

Inclúese a referencia do posible contrato de cesión de dereitos de uso da auga, tanto no asento correspondente ó adquirente como no do cedente.

5. Cando se complete a primeira folla destinada a unha inscrición continuarase noutra que se abrirá a continuación da anterior, que manterá o mesmo número de inscrición e a identificación correlativa que corresponda.

6. No suposto de que a concesión ou dereito que se vaia inscribir requira a realización de determinadas obras ou conteña condicións suspensivas, anótase a resolución que corresponda. En caso de incumprimento destas condicións ou de que non se aproben as obras, cancelárase a inscrición, con base, así mesmo, na oportuna resolución administrativa.

Cando se aprobe a acta de recoñecemento parcial ou final das obras, reflectírase na inscrición, con indicación expresa da data de extinción do dereito por transcurso de prazo.

7. En cada folla de inscrición deberá figurar un punto destinado a anotar, se é o caso, a constitución, modificación ou extinción de gravames que afecten a respectiva concesión ou dereito e sexan compatibles coa súa especial natureza. Así mesmo, faranse constar, se é o caso, as limitacións do dereito de uso derivadas de medidas correctoras da sobreexplotación ou outras situacións anómalas ou excepcionais previstas no artigo 56 do texto refundido da Lei de augas.

#### Artigo 193. *Efectos xurídicos da inscrición no rexistro.*

1. A inscrición rexistral considerarase medio de proba da existencia e situación da concesión, de acordo co artigo 80.4 do texto refundido da Lei

de augas, así como da existencia e situación dos contratos de cesión de dereitos subscritos polo concesionario.

2. A inscrición rexistral será, tamén, medio de proba dos dereitos recoñecidos no artigo 54 do texto refundido da Lei de augas e dos aproveitamentos temporais de augas privadas inscritos conforme as disposicións transitorias segunda e terceira da Lei 29/1985, do 2 de agosto, de augas.

3. Os titulares de concesións de augas e outros dereitos inscritos no rexistro de augas correspondente poderán solicitar a intervención do organismo de bacía competente en defensa dos seus dereitos, de acordo co contido da concesión ou título administrativo que ampare o seu dereito e do establecido na lexislación en materia de augas.

4. Esta protección será exercida polo organismo de bacía fronte a quen, sen dereito inscrito, se opoña ó dereito do titular ou perturbe o seu exercicio, aplicando os procedementos e medidas previstos para o efecto no texto refundido da Lei de augas e neste regulamento».

#### Artigo 194. *Carácter público do Rexistro de Augas.*

1. O Rexistro de Augas terá carácter público e poderán solicitarse do organismo de bacía as oportunas certificacións sobre o seu contido, de acordo co artigo 80.2 do texto refundido da Lei de augas.

2. As certificacións poderán ser positivas ou negativas, segundo que no rexistro apareza ou non inscrito o aproveitamento sobre o que deberá versar a certificación.

#### Artigo 195. *Expedición de certificacións.*

1. As certificacións, tanto literais como en extracto, poderanse expedir directamente a partir dos datos existentes nas bases de datos informatizadas.

2. O ministro de Medio Ambiente establecerá os mecanismos de solicitude e expedición de certificacións por medios telemáticos, no marco do establecido polo Real decreto 209/2003, do 21 de febreiro, polo que se regulan os rexistros e as notificacións telemáticas, así como a utilización de medios telemáticos para a substitución da achega de certificados polos cidadáns.

#### *Subsección 2.<sup>a</sup> Catálogo de augas privadas*

#### Artigo 196. *Catálogo de augas privadas.*

1. Os organismos de bacía levarán un catálogo de augas privadas que estará composto por unha estrutura informática e un libro, e no que figurarán inscritos os aproveitamentos de augas cualificadas como privadas pola Lei de augas de 1879, os titulares dos cales optaron por mantelas en tal réxime, declarando a súa existencia ó organismo de bacía dentro dos prazos establecidos para o efecto.

2. As inscricións no catálogo de augas privadas conterán os seguintes puntos:

- a) Número de inscrición.
- b) Clave. Identificará como mínimo o número de expediente co que se tramitou a inscrición.
- c) Acuífero ou lugar do que procedan as augas.
- d) Lugar, termo municipal e provincia na que se toma a auga. Inclúense as coordenadas U.T.M. da toma e o fuso ó que están referidas.
- e) Identificación do titular do aproveitamento.

f) Tipo de aproveitamento. Consignarase o uso ou usos a que se destina a auga.

g) Características. En función do tipo de aproveitamento indícanse os datos que definan o uso da auga, tales como superficie de rega en hectáreas, e o seu lugar de aplicación.

h) Volume máximo anual, en metros cúbicos.

i) Condicións específicas do aproveitamento que se inscribe.

j) Limitacións do dereito de uso derivadas de medidas correctoras da sobreexplotación ou outras situacións anómalas ou excepcionais previstas no artigo 56 do texto refundido da Lei de augas.

3. Os titulares de augas privadas inscritas no catálogo non poderán gozar da protección administrativa que se deriva do Rexistro de Augas.

### Subsección 3.<sup>a</sup> Base central de datos

#### Artigo 197. Base central de datos.

1. No Ministerio de Medio Ambiente créase a base central de datos, formada polos existentes nos rexistros de augas, catálogo de augas privadas e demais censos ou rexistros que se leven nos organismos de bacía e nas administracións hidráulicas das comunidades autónomas que teñan transferidas as súas competencias.

2. Os organismos de bacía e as administracións hidráulicas das comunidades autónomas remitirán en soporte informático á Dirección Xeral de Obras Hidráulicas e Calidade das Augas a información precisa para a actualización da base central de datos, nas condicións e prazos que determine o ministro de Medio Ambiente.

3. O Ministerio de Medio Ambiente disporá o necesario para atender as solicitudes formuladas para obter información da base central de datos.»

Oito. Engádese unha alínea f) no artigo 201.8 coa seguinte redacción:

«f) Con independencia do establecido no seu réxime estatutario, é obrigatorio para tódolos comuneiros o pagamento da parte que lles corresponda de tódalas obras que a comunidade acorde realizar, entre elas as correspondentes a melloras e modernizacións de regadío. Todo comuneiro verase obrigado a adecuar a utilización das augas ós procedementos que estas obras ou instalacións puidesen esixir.»

Nove. Engádese un punto 9 ó artigo 201 coa seguinte redacción:

«9. Entenderanse denegados os estatutos ou ordenanzas sobre os que non fose notificada a resolución expresa no prazo de seis meses contados a partir da súa presentación no organismo de bacía.»

Dez. Engádese un novo parágrafo ó artigo 234.c) coa seguinte redacción:

«Cando o organismo de bacía comprobe a degradación do medio receptor como consecuencia de prácticas agropecuarias inadecuadas, comunicarállo á Administración competente, sen prexuízo da existencia de responsabilidade por accións causantes de danos ó dominio público hidráulico derivadas do incumprimento do artigo 97.b) do texto refundido da Lei de augas.»

Once. A sección 2.<sup>a</sup> do capítulo I do título III queda redactada do seguinte xeito:

### «SECCIÓN 2.<sup>a</sup> APEO E DESLINDAMENTO

#### Artigo 240. Cuestións xerais.

1. O apeo e deslindamento dos leitos de dominio público hidráulico correspóndelle á Administración xeral do Estado, que os efectuará por medio dos organismos de bacía, segundo o procedemento regulado nesta sección.

2. Para a delimitación do dominio público hidráulico deberán considerarse como elementos coadjuvantes á súa determinación, ademais do leito natural determinado conforme o artigo 4 deste regulamento, a observación do terreo e das condicións topográficas e xeomorfolóxicas do tramo correspondente de leito fluvial, as alegacións e manifestacións dos propietarios dos terreos ribeiráns, dos prácticos e dos técnicos do concello e comunidade autónoma e, en xeral, cantos datos e referencias resulten oportunos.

3. Nos casos de tramos de leito próximos á súa desembocadura no mar, terase en conta o deslindamento do dominio público marítimo terrestre se se practicase. En caso contrario, a liña probable de deslindamento será facilitada polo Servicio Periférico de Costas, nos termos previstos na disposición transitoria décimo oitava do Regulamento xeral para o desenvolvemento e execución da Lei 22/1988, do 28 de xullo, de costas, aprobado polo Real decreto 1471/1989, do 1 de decembro.

#### Artigo 241. Incoación do procedemento de apeo e deslindamento.

1. O procedemento iníciase mediante acordo do organismo de bacía, xa sexa por propia iniciativa ou por instancia dos interesados. Neste último caso, tódolos gastos que se deriven da tramitación do procedemento e das operacións sobre o terreo que correspondan correrán a cargo do solicitante.

2. A incoación do procedemento faculta o organismo de bacía para realizar ou autorizar, incluso en terreos privados, logo de comunicación ó propietario, os traballos necesarios para a toma de datos e fixación de puntos, sen prexuízo das indemnizacións a que puidera dar lugar por danos e perdas, debidamente contrastados, e a resultas do deslindamento que se aprobe definitivamente.

3. O acordo de incoación definirá claramente o tramo de leito que se ten que deslindar, referido a puntos fixos sobre o terreo, e disporá a suspensión cautelar do outorgamento de concesións e autorizacións que poidan afectar o dominio público hidráulico ou dificulten os traballos que deben realizarse para a súa delimitación.

#### Artigo 242. Instrucción do procedemento.

1. O organismo de bacía elaborará o orzamento aproximado do custo de tódolos traballos necesarios ata completa-lo apeo e deslindamento do tramo.

Se o procedemento se iníciase por instancia dos interesados, o petionario deberá depositar a totalidade do importe calculado en concepto de provisión de fondos, así como aboar as taxas correspondentes, sen prexuízo da liquidación final que se realice unha vez terminado o procedemento.

2. O acordo de incoación publicarase no boletín oficial da provincia, comunicaráselles ós concellos dos municipios onde se sitúe o tramo que se ten que deslindar, notificaráselles ós titulares rexistrados afectados e publicarase nalgún medio de



ampla difusión na zona, todo iso para que os interesados poidan achegar tanta información coiden conveniente sobre o tramo de leito que se ten que deslindar, no prazo dun mes e sen prexuízo do trámite de información pública regulado no punto 4.

3. A partir da información achegada e da dispoñible no organismo de bacía, este preparará a seguinte documentación:

a) Memoria descritiva que inclúa: obxecto do deslindamento, características do tramo e da propiedade nos terreos colindantes así como os estudos realizados na zona.

b) Solicitude ós concellos e ó Centro de Xestión Catastral e Cooperación Tributaria dos planos e relación de titulares dos predios colindantes cos seus domicilios respectivos, para a súa posterior remisión ó rexistro da propiedade, co fin de que o rexistrador manifieste a súa conformidade coa dita relación ou formule as observacións que coide pertinentes. Transcorridos 15 días sen que se reciba contestación expresa, entenderase outorgada.

c) Levantamento topográfico da zona, a escala non inferior a 1/1.000.

d) Estudio da hidroloxía do tramo que se ten que deslindar, con base na información pluviométrica e foronómica dispoñibles, estudos do terreo, de mareas en zonas próximas á súa desembocadura no mar, e mediante os modelos matemáticos que sexan de aplicación e permitan deducilo caudal teórico da máxima enchente ordinaria.

e) Estudio hidráulico que permita fixa-la área ocupada pola máxima enchente ordinaria, considerando así mesmo outros criterios de aplicación para delimita-los terreos de dominio público hidráulico.

f) Proposta de deslindamento definida mediante liña poligonal referida a puntos fixos.

4. Completada a documentación a que se refire o punto anterior, realizarase o trámite de información pública mediante anuncios no boletín oficial da provincia, no concello e nalgún outro medio de ampla difusión con apertura de prazo dun mes para examinar, nas oficinas do organismo de bacía onde se instrúe o procedemento, a documentación preparada conforme o punto anterior e, se é o caso, formular alegacións e achegar ou propor probas.

5. Simultaneamente á apertura do trámite de información pública, o organismo de bacía remitirá a información necesaria á comunidade autónoma e ó concello, con solicitude de informe en relación coas cuestións propias das súas respectivas competencias. De non emitirse o informe no prazo dun mes, continuará a tramitación.

Ademais do informe, o organismo de bacía solicitaralle ó concello a suspensión cautelar do outorgamento de licencias de obras no ámbito afectado polo deslindamento.

*Artigo 242 bis. Proxecto de deslindamento e resolución do procedemento.*

1. O organismo de bacía, unha vez examinadas as alegacións e informes achegados, convocará con antelación mínima de 10 días hábiles, conxuntamente ou agrupados por tramos, a tódolos interesados e ós representantes do concello, da comunidade autónoma e, se os afecta, doutros órganos da Administración xeral do Estado, para a celebración do acto de recoñecemento sobre o terreo, onde se marcará a liña teórica definida en planos, mediante estacas. Destas operacións levantarase acta, na que se fará consta-la conformidade ou des-

conformidade dos asistentes, os cales, neste último caso, disporán dun prazo de 15 días para formular alegacións e propor motivadamente unha delimitación alternativa.

2. Cando os interesados no expediente achegan títulos inscritos no rexistro da propiedade sobre terreos que puidesen resultar incluídos no dominio público, o organismo de bacía comunicarllo ó rexistrador, co obxecto de practica-la anotación preventiva correspondente, onde se fará constar, ademais das circunstancias previstas con carácter xeral na lexislación hipotecaria, as específicas que acrediten a tramitación dun expediente de deslindamento, e a advertencia, segundo proceda, de que na súa virtude o predio pode resultar en todo ou en parte de dominio público.

Sen prexuízo do anterior, unha vez iniciado o procedemento de deslindamento, o organismo de bacía poderá solicitar ó rexistrador que formalice anotación preventiva acreditativa da existencia daquel nos predios que puidesen resultar afectados. Se os predios non estivesen inscritos, a anotación preventiva tomarase, ademais, pola falta de inscrición previa.

3. Practicadas as actuacións anteriores, formularase o proxecto de deslindamento que se compondá dos seguintes documentos:

a) Memoria descritiva dos traballos efectuados, con análise dos informes e alegacións presentadas e xustificación da liña de deslindamento proposta, así como anexos.

b) Planos a escala non inferior a 1/1.000 co trazado proposto da liña de deslindamento marcada sobre o terreo.

c) Cando a liña de deslindamento establecida neste proxecto supoña unha modificación substancial da proposta inicial, a xuízo do organismo de bacía, este poderá retrotrae-lo expediente ó trámite de información pública, se así o considerase oportuno para a mellor delimitación do dominio público hidráulico.

4. O dito proxecto poráselles de manifesto ós interesados, nos termos do artigo 84 da Lei 30/1992, do 26 de novembro, de réxime xurídico das administracións públicas e do procedemento administrativo común, durante un prazo máximo de 15 días, para que poidan alegar e presenta-los documentos e xustificacións que coiden pertinentes a propósito de calquera modificación que pretendan introducir sobre a liña de deslindamento marcada sobre o terreo.

5. O organismo de bacía, logo de informe da avogacía do Estado, dictará resolución que acorde o deslindamento, que deberá ser publicada no boletín oficial da provincia ou provincias afectadas, notificada ós titulares rexistrados dos terreos colindantes e a cantos comparecesen como interesados no expediente, e comunicada ó concello, á comunidade autónoma, ó Centro de Xestión Catastral e Cooperación Tributaria e ó Rexistro da Propiedade.

6. A aprobación do deslindamento levará implícito o levantamento da suspensión de outorgamento de concesións ou autorizacións no dominio público hidráulico que, se é o caso, se producen. Así mesmo, levará implícita a cancelación das anotacións preventivas practicadas no Rexistro da Propiedade con motivo do deslindamento, relativas a predios que resultasen incluídos total ou parcialmente no dominio público hidráulico, en virtude daquel.

7. Unha vez marcada a liña definitiva do deslindamento, o organismo de bacía procederá ó

levantamento de acta á que se xuntará o plano de definición da poligonal do deslindamento.

O organismo de bacía deberá aproba-la acta, o que permitirá efectua-la liquidación definitiva dos gastos, no suposto de que o expediente se incoase por instancia de parte.

**Artigo 242 ter. Efectos da aprobación do deslindamento.**

1. O deslindamento aprobado declara a posesión e a titularidade dominical a favor do Estado, dando lugar ó amolloamento, de acordo co artigo 95.2 do texto refundido da Lei de augas.

2. A resolución de aprobación do deslindamento será título suficiente para rectifica-las inscricións do Rexistro da Propiedade contradictorias con aquel, sempre que interviñese no expediente o titular rexistral, conforme a lexislación hipotecaria.

En todo caso, os titulares dos dereitos inscritos afectados poderán exercer-las accións que consideren pertinentes en defensa dos seus dereitos, e será susceptible de anotación preventiva a correspondente reclamación xudicial.

3. Para efectos do disposto no punto anterior, considérase que o titular rexistral interveu no expediente cando o organismo de bacía lle notificase a súa incoación conforme os artigos 58 e 59 da Lei de réxime xurídico das administracións públicas e do procedemento administrativo común, aínda que non comparecese.

4. A resolución de aprobación do deslindamento será título suficiente para que a Administración proceda á inmatriculación dos bens de dominio público cando o estime conveniente, á vista das circunstancias físicas ou xurídicas concorrentes e, en todo caso, cando a posesión non sexa ostensible polas súas características naturais ou cando exista un risco de invasión do dominio público.

5. O organismo de bacía poderá exercer de oficio a facultade de recuperación posesoria cando exista invasión efectiva do dominio público hidráulico, aínda cando non estea deslindado, sempre que sexa evidente o carácter demanial do ben obxecto de invasión e sen prexuízo de incoa-lo oportuno procedemento sancionador.»

Doce. Modifícase o capítulo II do título III, que queda redactado do seguinte xeito:

## «CAPÍTULO II

### Das verteduras

#### SECCIÓN 1.<sup>a</sup> AUTORIZACIÓNS DE VERTEDURA

**Artigo 245. Autorización.**

1. Para os efectos da Lei de augas, considéranse verteduras as que se realicen directa ou indirectamente nas augas continentais, así como no resto do dominio público hidráulico, calquera que sexa o procedemento ou técnica utilizada.

Son verteduras directas a emisión directa de contaminantes ás augas continentais ou a calquera outro elemento do dominio público hidráulico, así como a descarga de contaminantes na auga subterránea mediante inxección sen percolación a través do solo ou do subsolo.

Son verteduras indirectas tanto as realizadas en augas superficiais a través de canles, redes de colectores de recollida de augas residuais ou de augas pluviais ou por calquera outro medio de desaugamento, ou a calquera outro elemento do dominio público hidráulico, así como as realizadas

en augas subterráneas mediante filtración a través do solo ou do subsolo.

2. Queda prohibido con carácter xeral a vertedura directa ou indirecta de augas e produtos residuais susceptibles de contamina-las augas continentais ou calquera outro elemento do dominio público hidráulico, salvo que se conte coa autorización previa. A dita autorización correspóndelle ó organismo de bacía tanto no caso de verteduras directas a augas superficiais ou subterráneas como no de verteduras indirectas a augas subterráneas. Cando se trate de verteduras indirectas a augas superficiais, a autorización corresponderalle ó órgano autonómico ou local competente.

3. A autorización de vertedura terá como obxecto a consecución do bo estado ecolóxico das augas, de acordo coas normas de calidade, os obxectivos ambientais e as características de emisión e inmisión establecidas neste regulamento e no resto da normativa en materia de augas. Estas normas e obxectivos poderán ser concretados para cada bacía polo respectivo plan hidrolóxico, de acordo co disposto no artigo 100.2 do texto refundido da Lei de augas.

4. As verteduras indirectas a augas superficiais con especial incidencia para a calidade do medio receptor, segundo os criterios sinalados no punto anterior, deben contar con informe favorable do organismo de bacía previamente ó outorgamento da preceptiva autorización.

5. Para os efectos deste regulamento, enténdese por:

a) Norma de calidade ambiental: a concentración dun determinado contaminante ou grupo de contaminantes na auga, nos sedimentos ou na biota, que non debe superarse co fin de protexe-la saúde humana e o medio.

b) Valor límite de emisión: a cantidade ou a concentración dun contaminante ou grupo de contaminantes, o valor dos cales non debe superarse pola vertedura. En ningún caso o cumprimento dos valores límites de emisión poderá alcanzarse mediante técnicas de dilución.

c) Contaminante: calquera substancia que poida causar contaminación e en particular as que figuran no anexo II.

d) Substancia perigosa: as substancias ou grupos de substancias que son tóxicas, persistentes e bioacumulables, así como outras substancias ou grupos de substancias que entrañan un nivel de risco análogo.

e) Obxectivo ambiental: para as augas continentais, a prevención da deterioración das distintas masas de auga, a súa protección, mellora e rexeneración, co fin de alcanzar un bo estado das augas.

**Artigo 246. Iniciación do procedemento de autorización de verteduras.**

1. O procedemento para obte-la autorización de vertedura iniciarase mediante solicitude do titular da actividade, cos datos requiridos no artigo 70 da Lei de réxime xurídico das administracións públicas e do procedemento administrativo común, e coa declaración de vertedura segundo modelo aprobado polo Ministerio de Medio Ambiente.

2. A declaración de vertedura conterá os seguintes datos:

a) Características da actividade causante da vertedura.

b) Localización exacta do punto onde se produce a vertedura.



c) Características cualitativas (con indicación de tódolos valores dos parámetros contaminantes da vertedura), cuantitativas e temporais da vertedura.

d) Descrición das instalacións de depuración e evacuación da vertedura.

e) Proxecto, suscrito por técnico competente, das obras e instalacións de depuración ou eliminación que, se é o caso, foran necesarias para que o grao de depuración sexa o adecuado para a consecución dos valores límite de emisión da vertedura, tendo en conta as normas de calidade ambiental determinadas para o medio receptor.

f) Petición, se é o caso, de imposición de servidume forzosa de acueducto ou de declaración de utilidade pública, para os efectos de expropiación forzosa, acompañada da identificación de predios e propietarios afectados.

3. No caso de solicitudes formuladas por entidades locais, a declaración de vertedura deberá incluír, ademais:

a) Inventario de verteduras industriais con substancias perigosas recollidas pola rede de saneamento municipal.

b) Contido e desenvolvemento do plan de saneamento e control de verteduras á rede de saneamento municipal. No caso de que as instalacións de depuración e o sistema de evacuación formen parte dun plan ou programa de saneamento aprobado por outra Administración pública, incluírase a información correspondente a tal circunstancia.

4. No caso de que o solicitante da autorización de vertedura deba solicitar, ademais, unha concesión para o aproveitamento privativo das augas, a documentación a que se refiren os puntos anteriores presentárase conxuntamente coa que resulte necesaria para os efectos de obter a dita concesión.

#### Artigo 247. *Emenda e mellora.*

1. Se a solicitude non reúne os requisitos establecidos no artigo anterior, o organismo de bacía requirirá a emenda ó solicitante, nos termos do artigo 71.1 da Lei 30/1992, do 26 de novembro, de réxime xurídico das administracións públicas e do procedemento administrativo común.

2. Con independencia da emenda, os servicios técnicos do organismo de bacía comprobarán os datos consignados na declaración de vertedura presentada, e emitirán informe sobre se a solicitude é adecuada ó cumprimento das normas de calidade e obxectivos ambientais e sobre as características de emisión e inmisión. Se do informe se desprende a improcedencia da vertedura, o organismo de bacía denegará a autorización dictando resolución motivada, logo de audiencia do solicitante, ou ben requirirá a este para que introduza as correccións oportunas no prazo de 30 días.

Transcorrido este prazo sen que o solicitante introduciase as correccións requiridas, o organismo de bacía denegará a autorización mediante resolución motivada e logo da audiencia do solicitante.

3. O organismo de bacía deberá notificar as resolucións a que se refire o punto 2 no prazo de seis meses a partir da recepción da solicitude. Transcorrido este prazo, as solicitudes que non fosen denegadas tramitaranse conforme o establecido nos artigos seguintes.

#### Artigo 248. *Información pública e informes.*

1. O organismo de bacía someterá a información pública as solicitudes non denegadas en apli-

cación do artigo 247.2 por un prazo de 30 días, mediante anuncio no boletín oficial da provincia.

O anuncio expresará as características fundamentais da solicitude e, se é o caso, a petición de declaración de utilidade pública ou de imposición de servidume.

2. Simultaneamente, o organismo de bacía solicitará o informe da comunidade autónoma e aqueles outros que procedan en cada caso.

3. Das alegacións e informes darase traslado ó petionario para que manifieste o que ó seu dereito conveña no prazo de 10 días.

#### Artigo 249. *Resolución.*

1. Finalizado o prazo a que se refire o artigo 248.3, o organismo de bacía formulará a proposta de resolución e notificaralla ó solicitante e, se os houbera, ós restantes interesados, que poderán presentar alegacións no prazo de 10 días.

A proposta de resolución favorable ó outorgamento da autorización deberá expresa-lo condicionado.

2. O organismo de bacía notificará a resolución motivada no prazo máximo dun ano e, de non o facer, poderá entenderse desestimada a solicitude de autorización.

3. Se o condicionado da autorización comporta a execución de obras ou instalacións, a autorización de vertedura non producirá plenos efectos xurídicos ata que o organismo de bacía aprobe a acta de recoñecemento final favorable daquelas, aplicándose, durante o período de execución, o coeficiente de maioración correspondente a un tratamento non adecuado. Aprobada a acta de recoñecemento, será esixible, na súa totalidade, o obxectivo de calidade que en cada caso corresponda.

4. As autorizacións de vertedura terán un prazo máximo de vixencia de cinco anos, entendéndose renovadas por prazos sucesivos de igual duración ó autorizado, sempre que a vertedura non sexa causa de incumprimento das normas de calidade ambiental esixibles en cada momento. A renovación non impide que cando se dean outras circunstancias, o organismo de bacía proceda á súa revisión. Neste último caso notificarase ó titular con seis meses de antelación.

#### Artigo 250. *Autorización de vertedura das entidades locais e das comunidades autónomas.*

A autorización de vertedura solicitada por entidades locais e por comunidades autónomas axustárase ó establecido nos artigos anteriores, coas especialidades sinaladas a continuación:

a) A solicitude de autorización incluírá tamén:

1.º Un plan de saneamento e control de verteduras a colectores que incluírá, se é o caso, os programas de redución de substancias perigosas, así como o correspondente regulamento ou ordenanza de verteduras. No caso de que as instalacións de depuración e evacuación necesarias formen parte dun plan ou programa de saneamento aprobado por outra Administración pública, farase constar así na solicitude.

2.º Información sobre a existencia de verteduras nos colectores de substancias perigosas a que se refire o artigo 256.

b) Unha vez concedida a autorización, as entidades locais e comunidades autónomas autorizadas están obrigadas:

1.º A informar anualmente a Administración hidráulica sobre a existencia de verteduras nos

colectores de substancias perigosas a que se refire o artigo 256.

2.º A informar sobre o funcionamento das estacións de depuración de augas residuais urbanas, para os fins previstos no Real decreto 509/1996, do 15 de marzo, polo que se desenvolve o Real decreto lei 11/1995, do 28 de decembro, polo que se establecen as normas aplicables ó tratamento das augas residuais urbanas.

**Artigo 251. Condicionado das autorizacións de vertedura.**

1. As autorizacións de vertedura establecerán as condicións en que estes deben realizarse, concretando especialmente os extremos seguintes:

a) Orixe das augas residuais e localización xeográfica do punto de vertedura.

b) O caudal e os valores límite de emisión do efluente, determinados conforme as seguintes regras xerais:

1.ª As características de emisión da vertedura serán tales que resulten adecuadas para o cumprimento das normas de calidade ambiental do medio receptor. Poderase establecer unha aplicación gradual daquelas ata a súa completa consecución.

2.ª Esixiranse valores límite de emisión para os parámetros característicos da actividade causante da vertedura.

3.ª Os valores límite de emisión non poderán alcanzarse mediante técnicas de dilución.

c) As instalacións de depuración e evacuación que o organismo de bacía considere suficientes para cumprila normativa sobre a calidade da auga do medio receptor.

d) As datas de iniciación e terminación das obras e instalacións, fases parciais previstas e entrada en servizo daquelas, así como as medidas que, en caso necesario, se deban adoptar para reduci-la contaminación durante o prazo de execución daquelas.

e) Os elementos de control das instalacións de depuración e os sistemas de medición do caudal e da toma de mostras, así como a periodicidade na que é obrigatorio analizar e acredita-los parámetros e condicións da vertedura, así como calquera outra declaración e acreditación a que veña obrigado ante o organismo de bacía.

f) O prazo de vixencia da autorización.

g) O importe do canon de control de verteduras que corresponda en aplicación do artigo 113 do texto refundido da Lei de augas, especificando o prezo unitario e os seus compoñentes.

h) As causas de modificación e revogación da autorización.

i) As actuacións e medidas que, en casos de emerxencia, deban ser postas en práctica polo titular da autorización.

j) Se é o caso, o establecemento dos programas de redución da contaminación para a progresiva adecuación das características da vertedura ós valores límite de emisión a que se refire a alínea b) anterior, así como os seus correspondentes prazos.

k) Calquera outra condición que o organismo de bacía considere oportuna en razón das características específicas do caso e do cumprimento da finalidade das instalacións de depuración e evacuación.

2. O condicionado das autorizacións de vertedura que poidan afecta-las augas subterráneas axustarase, ademais, ó disposto no artigo 259 deste regulamento.

3. O incumprimento das condicións da autorización poderá dar lugar á súa revogación nos termos previstos no artigo 263.

**Artigo 252. Control das autorizacións de vertedura.**

Con independencia dos controis impostos no condicionado da autorización, o organismo de bacía poderá efectuar cantas análises e inspeccións coide convenientes para comproba-las características da vertedura e o rendemento das instalacións de depuración e evacuación. Para tales efectos, as instalacións de toma de mostras executaranse de forma que se facilite o acceso a estas por parte da Administración, que, se é o caso, fará entrega dunha mostra alícuota ó representante ou persoa que se encontre nas instalacións e acredite a súa identidade, para a súa análise contradictoria. De non facerse cargo da mostra, comunicaráselle que esta se atopa á súa disposición no lugar que se indique.

**Artigo 253. Vertedura de núcleos illados de poboación, de polígonos industriais, urbanizacións e outras agrupacións sen personalidade xurídica.**

1. Nos supostos de verteduras de natureza urbana ou asimilable procedentes de núcleos illados de poboación inferior a 250 habitantes-equivalentes e sen posibilidade de formar parte dunha aglomeración urbana, nos termos do Real decreto lei 11/95, do 28 de decembro, polo que se establecen as normas aplicables ó tratamento das augas residuais urbanas, a autorización axustarase ó establecido neste artigo.

2. Os titulares das verteduras a que se refire o punto anterior presentarán ante o organismo de bacía unha declaración de vertedura simplificada, segundo modelo aprobado polo ministro de Medio Ambiente, no que figurarán, como mínimo, a situación da vertedura e unha memoria descritiva das instalacións de depuración e evacuación da vertedura.

Comprobado que a vertedura é compatible cos obxectivos de calidade do medio receptor e cos dereitos de terceiros, o organismo de bacía outorgará a autorización adecuada ás características da vertedura. Se, polo contrario, non concorre esa compatibilidade, seguirase o procedemento establecido nos artigos 247 e seguintes.

3. Cando non exista un titular único da actividade causante da vertedura, o organismo de bacía poderá requirir-los titulares dos establecementos industriais ou de calquera outra natureza que teñan necesidade de verter augas ou produtos residuais e se encontren situados nunha mesma zona ou polígono industrial, así como os titulares das urbanizacións ou outros complexos residenciais, para os efectos da autorización de verteduras de natureza doméstica, para que se constituán nunha comunidade de verteduras no prazo de seis meses.

O incumprimento do requirimento a se constituír en comunidade terá a consideración de infracción administrativa conforme o artigo 116.g) en relación co 90, ámbolos dous do texto refundido da Lei de augas.

4. A comunidade constituída de conformidade co artigo 90 do texto refundido da Lei de augas,

xa sexa por iniciativa dos propios titulares da actividade causante da vertedura, xa sexa por requirimento do organismo de bacía, será a titular da preceptiva autorización de vertedura.

#### Artigo 254. *Censos de verteduras.*

1. Os organismos de bacía levarán un censo das verteduras autorizadas. Rexen para este censo as mesmas condicións de publicidade establecidas para o Rexistro de Augas nos artigos 194 e 195 deste regulamento.

2. O censo de verteduras deberá conter, polo menos, a seguinte información relativa ás autorizacións:

- a) Titular e localización da vertedura.
- b) Natureza e características da actividade causante da vertedura.
- c) Características da vertedura, con indicación da presenza de substancias perigosas nos efluentes.
- d) Natureza do medio receptor, con especial referencia a zonas protexidas.

3. O Ministerio de Medio Ambiente, a través da Dirección Xeral de Obras Hidráulicas e Calidade das Augas, elaborará e manterá o censo nacional de verteduras, no que figurarán os datos correspondentes ás verteduras das que a autorización corresponde ós organismos de bacía e ás administracións hidráulicas autonómicas.

Así mesmo, figurarán no censo nacional de verteduras as verteduras efectuadas desde terra ó mar, segundo os datos proporcionados polas comunidades autónomas.

#### SECCIÓN 2.<sup>a</sup> ENTIDADES COLABORADORAS

#### Artigo 255. *Normas xerais sobre entidades colaboradoras.*

1. Son entidades colaboradoras as que, en virtude do título correspondente, están habilitadas para os labores de apoio á Administración hidráulica en materia de control e vixilancia da calidade das augas. Constituirá a actividade fundamental destas entidades a certificación dos datos a que se refire o artigo 101.3 do texto refundido da Lei de augas.

2. O ministro de Medio Ambiente establecerá as condicións requiridas para obte-lo título de entidade colaboradora, así como o procedemento para o revalidar e as fórmulas de control por parte da Administración do cumprimento das condicións en que foi outorgado. Non dará dereito a indemnización a perda da condición de entidade colaboradora cando obedeza a un incumprimento das condicións esixidas.

3. En todo caso, a obtención do título de entidade colaboradora require acreditar previamente a concorrencia dos requisitos mínimos seguintes:

- a) Os relativos á demostración dos precisos méritos de capacidade técnica e económica, independencia e imparcialidade necesarios para as actuacións que hai que realizar.
- b) Subscrición dunha póliza de seguro de responsabilidade civil, un aval ou outra garantía financeira con entidade debidamente autorizada por importe suficiente para garanti-los prexuízos que puidesen derivar das actuacións que desenvolva.
- c) O cumprimento dos requisitos establecidos nas normas da serie UNE-EN ISO/IEC 17025 ou a que no futuro a substitúa que sexa de aplicación en función do seu ámbito de actuación.

4. Créase para estes fins un rexistro especial de entidades colaboradoras no que figurarán as entidades que obtivesen o título.

O rexistro estará baixo a dependencia da Dirección Xeral de Obras Hidráulicas e Calidade das augas e nel inscribíranse tódolos actos administrativos referentes ó outorgamento, modificación ou extinción do título.

#### SECCIÓN 3.<sup>a</sup> SUBSTANCIAS PERIGOSAS

#### Artigo 256. *Valores límite de emisión e normas de calidade ambiental.*

1. As autorizacións de vertedura limitarán as substancias perigosas propias da actividade causante da vertedura para asegura-lo cumprimento dos valores límite de emisión, así como das normas de calidade ambiental e obxectivos de calidade previstos nos plans hidrolóxicos de bacía e nas restantes disposicións legais de aplicación.

2. Para efectos do previsto no punto anterior, as autorizacións de vertedura:

- a) Establecerán os límites de emisión das substancias incluídas na relación I do anexo III que contén con regulación específica, coa finalidade de elimina-la contaminación do medio receptor.
- b) Fixarán os valores límite de emisión das substancias recollidas no Real decreto 995/2000, do 2 de xuño, co fin de que poidan cumprirse os obxectivos de calidade establecidos nel.
- c) Terán en conta, para o resto de substancias mencionadas no anexo III, as limitacións previstas no punto 1 deste artigo.

3. O disposto nos puntos anteriores será de aplicación en tódolos ámbitos de planificación hidrolóxica, sen prexuízo de que os plans poidan establecer valores ou normas máis rigorosas.

#### SECCIÓN 4.<sup>a</sup> VERTEDURAS ÁS AUGAS SUBTERRÁNEAS

#### Artigo 257. *Verteduras de substancias perigosas ás augas subterráneas.*

1. Os organismos de bacía adoptarán as medidas necesarias para impedir que se introduzan nas augas subterráneas as substancias que figuran na relación I do anexo III, así como para limita-la introducción das substancias da relación II do mesmo anexo.

2. Para efectos do previsto no punto anterior, prohibese a vertedura directa das substancias da dita relación I. A autoridade competente esixirá para a autorización de accións de eliminación ou depósito de residuos ou produtos que puidesen conter estas substancias, un estudio hidroxoloxico previo, co fin de evita-la súa introducción nas augas subterráneas. Para tal fin, o organismo de bacía poderá solicitar informe do Instituto Xeolóxico e Mineiro de España.

3. Con carácter xeral, se se desprendese dun estudio hidroxoloxico previo que as augas subterráneas nas que se prevé a vertedura de substancias da citada relación I son inadecuadas de forma permanente para calquera uso, en particular para usos domésticos ou agrícolas, poderase autoriza-la vertedura das ditas substancias.

En ningún caso, a vertedura das substancias poderá obstaculiza-la explotación dos recursos do solo.

Esixirase así mesmo que as ditas substancias non poidan chegar a outros sistemas acuáticos ou danar outros ecosistemas, para o cal deberán adoptarse as precaucións técnicas necesarias.



4. Para limita-la introducción de substancias da citada relación II, someterase ó estudio hidroxexolóxico previo non só a vertedura directa das ditas substancias, senón tamén as accións de eliminación ou depósito capaces de ocasionar unha vertedura indirecta.

Poderase autoriza-la vertedura cando o estudio hidroxexolóxico previo demostrase a súa inocuidade, sen prexuízo de incluír no condicionado a adopción das precaucións técnicas necesarias.

5. Quedan sometidas a autorización as recargas artificiais de acuíferos, que só poderán outorgarse cando con elas non se provoque a contaminación das augas subterráneas.

6. As verteduras ás augas subterráneas que non conteñan substancias perigosas autorizaranse de acordo co procedemento regulado nos artigos 245 e seguintes deste regulamento, aínda que se esixirá o estudio hidroxexolóxico previo que demostre a inocuidade da vertedura.

**Artigo 258. Estudio hidroxexolóxico previo.**

1. O estudio hidroxexolóxico previo a que se refire o artigo anterior recollerá, como mínimo, o estudio das características hidroxexolóxicas da zona afectada, o eventual poder depurador do solo e subsolo e os riscos de contaminación e de alteración da calidade das augas subterráneas pola vertedura. Así mesmo, determinará se, desde o punto de vista ambiental, a vertedura nesas augas é inocua e constitúe unha solución adecuada.

2. Este estudio deberá estar subscrito por técnico competente e deberá achegarse na declaración de vertedura prevista no artigo 246 ou ser requirido polo organismo de bacía cando se presume que a vertedura pode ocasionar unha contaminación das augas subterráneas. O estudio incorporárase ó expediente de autorización de vertedura, e sobre este poderá solicita-lo organismo de bacía informe do Instituto Xeolóxico e Mineiro de España.

**Artigo 259. Condicionado das autorizacións de vertedura a augas subterráneas.**

1. Nas autorizacións de vertedura establece-ranse, ademais das condicións previstas no arti-go 251, as seguintes:

- a) A técnica para levar a cabo a vertedura.
- b) As precaucións que resulten indispensables tendo en conta a natureza e concentración das substancias presentes nos efluentes, as características do medio receptor, así como a proximidade de captacións de auga e, en particular, as de auga potable, termal e mineral.
- c) A cantidade máxima admisible dunha substancia nos efluentes, así como a concentración da dita substancia.
- d) Os dispositivos para controla-los efluentes evacuados nas augas subterráneas.
- e) As medidas que permitan a vixilancia das augas subterráneas e, en particular, da súa calidade.

2. As autorizacións de vertedura de substancias perigosas ás augas subterráneas outorgaranse por un prazo de catro anos renovables por períodos iguais.

3. No caso de verteduras a augas subterráneas fronteirizas, o organismo de bacía que tramite a autorización notificarallo ó Ministerio de Medio Ambiente, co fin de que poida informa-los demais estados afectados antes de se outorga-la autorización.

## SECCIÓN 5.<sup>a</sup> ESTABLECEMENTO DE INSTALACIÓNS INDUSTRIAIS

**Artigo 260. Limitacións ás actuacións industriais contaminantes.**

1. As autorizacións administrativas sobre establecemento, modificación ou traslado de instalacións ou industrias que orixinen ou poidan orixinar verteduras outorgaranse condicionadas á obtención da correspondente autorización de vertedura.

O Goberno poderá prohibir, en zonas concretas, aquelas actividades e procesos industriais dos cales os efluentes, a pesar do tratamento a que sexan sometidos, poidan constituír risco de contaminación grave para as augas, ben sexa no seu funcionamento normal, ben en caso de situacións excepcionais previsibles, de acordo co disposto no artigo 103 do texto refundido da Lei de augas.

2. As autorizacións de vertedura terán, en todo caso, o carácter de previas para a implantación e entrada en funcionamento da industria ou actividade que se trata de establecer, modificar ou trasladar, e precederán as licencias de apertura ou de actividade que teñan que outorga-las administracións local ou autonómica en razón da súa competencia.

## SECCIÓN 6.<sup>a</sup> REVISIÓN DAS AUTORIZACIÓNS

**Artigo 261. Supostos de revisión das autorizacións de vertedura.**

1. O organismo de bacía poderá revisa-las autorizacións de vertedura nos seguintes casos:

- a) Cando sobreveñan circunstancias que, de existiren anteriormente, xustificarian a súa denegación ou o outorgamento en termos distintos.
- b) Cando se produza unha mellora nas características da vertedura ou unha variación no seu volume e así o solicite o interesado.
- c) Para adecua-la vertedura ás normas de calidade ambiental correspondentes ó medio receptor previstas no respectivo plan hidrolóxico de bacía ou, no seu defecto, ás normas de emisión e de calidade ambiental que se dicten con carácter xeral.

2. En casos excepcionais, por razóns de seca ou en situacións hidrolóxicas extremas, os organismos de bacía poderán modifica-las condicións de vertedura co fin de garanti-los obxectivos de calidade, de acordo co previsto no artigo 104 do texto refundido da Lei de augas.

**Artigo 262. Modificación do condicionado.**

1. Mediante resolución motivada e logo de audiencia ós interesados, o organismo de bacía acordará a modificación do condicionado que resulte pertinente como consecuencia da revisión practicada conforme o artigo 261.

2. A modificación do condicionado non dará lugar a indemnización.

## SECCIÓN 7.<sup>a</sup> VERTEDURAS NON AUTORIZADAS OU QUE INCUMPREN AS CONDICIÓN DA AUTORIZACIÓN

**Artigo 263. Normas de actuación.**

1. Comprobada a existencia dunha vertedura non autorizada, ou que non cumpra as condicións da autorización, o organismo de bacía realizará as seguintes actuacións:

- a) Incoará un procedemento sancionador e procederá á determinación do dano causado á calidade das augas.

b) Liquidará o canon de control de vertedura, de conformidade co establecido no artigo 113 do texto refundido da Lei de augas.

2. Ademais das actuacións previstas no punto 1, o organismo de bacía poderá acorda-la iniciación dos seguintes procedementos:

a) De revogación da autorización de vertedura, cando a houbese, nos casos de incumprimento dalgunha das súas condicións.

Cando a autorización de vertedura en bacías intercomunitarias se incluíse na autorización ambiental integrada, á que se refire a Lei 16/2002, do 1 de xullo, de prevención e control integrados da contaminación, o organismo de bacía comunicalle á comunidade autónoma competente, para efectos do seu cumprimento, a revogación mediante a emisión dun informe preceptivo e vinculante.

b) De autorización de vertedura, se non a houbese, cando esta sexa susceptible de legalización.

c) De declaración de caducidade da concesión para aqueles casos especialmente cualificados de incumprimento das condicións ou de inexistencia de autorización, dos que resulten danos moi graves para o dominio público hidráulico.

3. As revogacións e declaracións de caducidade acordadas conforme o punto anterior non darán dereito a indemnización, de conformidade co artigo 105 do texto refundido da Lei de augas.

#### Artigo 264. *Revogación e legalización das autorizacións de vertedura.*

1. Logo de requirimento ó titular para que axuste a vertedura ás condicións baixo as que foi outorgada a autorización e non atendido aquel no prazo concedido, o organismo de bacía poderá acorda-la revogación da autorización de acordo co artigo 263.2.a), con informe do Consello da Auga da bacía e mediante resolución motivada.

2. Para efectos do disposto no artigo 263.2.b), o organismo de bacía requirirá o titular da vertedura para que formule a solicitude de autorización conforme o artigo 246, no prazo dun mes. Se fose preciso adoptar medidas cautelares, o requirimento serao tamén para a realización destas nun prazo determinado en cada caso.

A solicitude de autorización formulada en cumprimento dese requirimento deberá axustarse ó disposto para cada caso de vertedura e tramitarse conforme o disposto nos artigos 247 e seguintes.

En caso de que o titular non atenda o requirimento para solicita-la autorización ou para realiza-las medidas cautelares, o organismo de bacía acordará sen máis trámite o arquivo das actuacións para a legalización da vertedura, sen prexuízo de executar esas medidas e repercuti-lo seu importe no requirido.

#### Artigo 265. *Supostos de suspensión de actividades que orixinan verteduras non autorizadas.*

O Goberno, no ámbito das súas competencias e logo de informe do organismo de bacía e de audiencia ó interesado, poderá ordena-la suspensión das actividades que dean orixe a verteduras non autorizadas, de non considerar máis procedente adopta-las medidas precisas para a súa corrección, que serán por conta do titular, sen prexuízo da responsabilidade civil, penal ou administrativa en que puidesen incorre-los causantes das verteduras.

## SECCIÓN 8.<sup>a</sup> SUPPOSTOS ESPECIAIS DE INTERVENCIÓN DO ORGANISMO DE BACÍA

### Artigo 266. *Procedemento de intervención en instalacións de depuración.*

1. O organismo de bacía practicará as inspeccións pertinentes nas instalacións de depuración de augas residuais correspondentes a unha vertedura autorizada.

Cando desas inspeccións resulte o mal funcionamento dunha estación depuradora de augas residuais, e sen prexuízo da incoación do procedemento sancionador, poderá requiri-lo titular para que tome as medidas necesarias que permitan o correcto funcionamento das instalacións, no prazo determinado en cada caso.

Se o titular non atende o requirimento, o organismo de bacía proporalle ó órgano competente a suspensión cautelar e temporal das actividades que producen a vertedura.

2. O organismo de bacía poderá facerse cargo directa ou indirectamente, por razóns de interese xeral e con carácter temporal, da explotación das instalacións de depuración de augas residuais, cando non fose posible a paralización das actividades que producen a vertedura e se derivasen graves inconvenientes do incumprimento das condicións autorizadas.

Neste suposto, o organismo de bacía reclamará do titular da autorización, incluso por vía de constrinximento:

a) As cantidades necesarias para modificar ou acondiciona-las instalacións nos termos previstos na autorización.

b) Os gastos de explotación, mantemento e conservación das instalacións, de acordo co disposto no artigo 107 do texto refundido da Lei de augas.

3. Cando o organismo de bacía se faga cargo de modo indirecto da explotación das instalacións, poderá contar para iso coa colaboración das empresas de vertedura, ou de calquera outro ente público ou privado que considere idóneo, sendo por conta do titular da autorización os gastos que deriven de tal colaboración.

## SECCIÓN 9.<sup>a</sup> EMPRESAS DE VERTEDEURA

### Artigo 267. *Empresas de vertedura.*

Poderán constituírse empresas de vertedura para conducir, tratar e verter augas residuais de terceiros. As autorizacións de vertedura que ó seu favor se outorguen incluírán, ademais das condicións esixidas con carácter xeral, as seguintes:

a) As de admisibilidade das verteduras que van ser tratadas pola empresa.

b) As tarifas máximas e o procedemento da súa actualización periódica.

c) A obriga de constituír unha fianza para responder da continuidade e eficacia dos tratamentos, de acordo co disposto no artigo 108 do texto refundido da Lei de augas.

### Artigo 268. *Requisitos das empresas de vertedura.*

O ministro de Medio Ambiente establecerá os requisitos necesarios para que as empresas de vertedura poidan ser inscritas no rexistro que se creará para tal efecto.

**Artigo 269. Condicións de vertedura.**

1. As empresas de vertedura redactarán e proporánlle ós organismos de bacía para a súa aprobación, na mesma resolución da autorización da vertedura, as correspondentes condicións de vertedura, nas que se especificarán detalladamente os caudais e valores límite de emisión dos parámetros representativos da composición das augas de terceiros que deban ser tratadas.

2. As empresas de vertedura serán responsables da vixilancia e control das verteduras que traten, para o cumprimento das condicións a que se refire o punto anterior.

3. Do mesmo xeito, redactarán e proporán as tarifas que incluírán necesariamente a fórmula para a súa actualización periódica, os prazos e os procedementos para a súa entrada en vigor.

**Artigo 270. Fianza.**

1. A fianza que se menciona no artigo 108.c) do texto refundido da Lei de augas será equivalente ó triple do importe do canon de control de verteduras que se fixe na autorización outorgada á empresa de vertedura.

2. Serán responsables subsidiarios os causantes das verteduras.

**Artigo 271. Revogación da autorización das empresas de vertedura.**

1. A revogación da autorización poderase producir polo incumprimento das condicións baixo as que foi concedida e daquelas que sexan de aplicación entre as establecidas, para a resolución do contrato, pola lexislación de contratos das administracións públicas.

2. Se se producise a dita revogación e non fose posible a subrogación noutra empresa de vertedura, o organismo de bacía poderá acorda-la suspensión da vertedura ou propo-la paralización da actividade. Tamén poderá facerse cargo de forma directa ou indirecta da explotación das instalacións. En ámbolos casos haberá que se ater ó disposto no artigo 266. Con independencia do anterior, o organismo de bacía poderá impor xustificadamente a constitución dunha comunidade de verteduras que integre os causantes das verteduras, que se constituirá en titular da autorización de acordo co preceptuado no artigo 90 do texto refundido da Lei de augas.

3. A revogación da autorización outorgada a unha empresa de verteduras poderá comporta-la perda da fianza a que se refiren os artigos anteriores, logo da tramitación do correspondente procedemento no que se dará audiencia ó interesado.»

Trece. Modifícase o capítulo II do título IV, que queda redactado do seguinte xeito:

**«CAPÍTULO II****Canon de control de verteduras****Artigo 289. Concepto e feito impositivo.**

1. As verteduras ó dominio público hidráulico estarán gravadas cunha taxa destinada ó estudio, control, protección e mellora do medio receptor de cada bacía hidrográfica, que se denominará canon de control de verteduras, de acordo co preceptuado no artigo 113.1 do texto refundido da Lei de augas.

O canon de control de verteduras será independente dos canons ou taxas que poidan establece-las comunidades autónomas ou as corporacións locais para financiar obras de saneamento e depuración, de acordo co preceptuado no artigo 113.7 do texto refundido da Lei de augas.

2. Constitúe o feito impositivo do canon de control de verteduras a realización de verteduras ó dominio público hidráulico.

**Artigo 290. Suxeito pasivo.**

Serán suxeitos pasivos do canon de control de verteduras os que leven a cabo a vertedura, segundo o disposto no artigo 113.2 do texto refundido da Lei de augas, xa sexa como titulares das autorizacións de vertedura, xa sexa como responsables de verteduras non autorizadas.

**Artigo 291. Importe.**

1. O importe do canon de control de verteduras será o resultado de multiplicar-lo volume de vertedura autorizado polo prezo unitario de control de vertedura.

2. O dito prezo unitario calcularase multiplicando o prezo básico por metro cúbico, 0,01202 euros para auga residual urbana, e 0,03005 euros para auga residual industrial, por un coeficiente de maioración ou minoración determinado conforme a escala do anexo IV deste regulamento.

3. O coeficiente de maioración do prezo básico non poderá ser superior a 4.

4. O importe do canon, calculado conforme o establecido nos puntos precedentes, deberá constar na autorización de vertedura.

**Artigo 292. Importe para verteduras non autorizadas.**

En caso de verteduras non autorizadas, o importe do canon fixarase segundo o establecido no artigo 291, aínda que coas seguintes particularidades:

a) O volume de vertedura que hai que considerar para o cálculo determinarase por estimación indirecta, utilizando para iso calquera destes métodos:

1.º Aplicando os datos e antecedentes dispoñibles que sexan relevantes para o efecto.

2.º Utilizando aqueles elementos que indirectamente acrediten a existencia das verteduras tales como tipo e volume da actividade, consumos de auga, número de habitantes, instalacións de depuración e calquera outro elemento que permita determinar-lo volume de augas residuais vertido.

3.º Valorando os volumes das verteduras, ou outros signos e circunstancias que se dean nos suxeitos pasivos do canon de control de verteduras, por comparación con datos ou antecedentes de supostos similares que contén con autorización.

b) En todo caso aplicarase o coeficiente 4 de maioración.

**Artigo 293. Recadación.**

Nas bacías intercomunitarias e nas intracomunitarias non transferidas, o canon de control de verteduras será recadado polo organismo de bacía. Non obstante, a Axencia Estatal de Administración Tributaria poderá asumir-la recadación mediante unha encomenda de xestión, conforme o disposto no artigo 15 da Lei 30/1992, do 26 de novembro,



de réxime xurídico das administracións públicas e do procedemento administrativo común.

O organismo de bacía e a Axencia Estatal de Administración Tributaria formalizarán a encomenda de xestión nun convenio que deberá fixar as condicións para levar a cabo a recadación e no que constará o compromiso daquel de proporcionarlle a esta os datos e censos que precise para a recadación.

O canon recadado será posto ó dispor do organismo de bacía nos termos sinalados no convenio suscrito.

#### Artigo 294. *Devengo e liquidación.*

1. O canon de control de verteduras devéngase o 31 de decembro de cada ano. Durante o primeiro trimestre de cada ano natural debe liquidarse o canon correspondente ó ano anterior.

2. O período impositivo coincide co ano natural, con dúas excepcións:

a) O canon calcularase proporcionalmente ó número de días de vixencia da autorización, en relación co total do exercicio en que se produza a autorización da vertedura ou a súa caducidade.

b) O canon calcularase proporcionalmente ó número de días durante os que resulte acreditada a vertedura non autorizada, en relación co total do exercicio en que se produza o inicio ou a fin da vertedura.

3. O organismo de bacía practicará a liquidación que proceda cando o titular da autorización acredite fidedignamente que nun determinado período impositivo a vertedura real non coincide coa autorizada como consecuencia de inactividade producida debida a circunstancias sobrevidas.

4. En caso de verteduras non autorizadas, practicarase unha soa liquidación, comprensiva de todos os exercicios non prescritos. Cando, ademais, as verteduras non sexan susceptibles de autorización, a liquidación practicarase na resolución que ordene o cesamento das verteduras.

#### Artigo 295. *Liquidacións complementarias.*

En caso de incumprimento das condicións da autorización de vertedura, o organismo de bacía dictará unha liquidación complementaria, correspondente ó período do incumprimento que estea acreditado no procedemento sancionador. O importe do canon calcularase con suxeición ós criterios establecidos no artigo 292.»

Catorce. O artigo 326 queda redactado do seguinte xeito:

«1. A valoración dos danos ó dominio público hidráulico será realizado polo órgano sancionador. Para tal efecto e sen prexuízo das competencias das xuntas de goberno, o ministro de Medio Ambiente establecerá os criterios técnicos para a súa determinación.

2. Se os danos se producen na calidade da auga, para a súa valoración atenderase ó custo do tratamento da vertedura, á súa perigosidade e á sensibilidade do medio receptor.»

Quince. O artigo 339 queda redactado do seguinte xeito:

«O importe das sancións así como o resto das obrigas pecuniarias ingresarase na conta especial habilitada para o efecto no Banco de España, nos

prazos previstos no Regulamento xeral de recadación, destinándose o seu importe a efectuar as reparacións ou investimentos que requira a mellora do dominio público hidráulico afectado e, en todo caso, a restitución deste ó seu estado primitivo.»

Dezaseis. Engádesse un novo título VI, coa denominación de «Contrato de cesión de dereitos ó uso privativo das augas públicas» e co seguinte contido:

## TÍTULO VI

### Contrato de cesión de dereitos ó uso privativo das augas públicas

#### CAPÍTULO I

##### Do contrato de cesión

#### Artigo 343. *Cesión de dereitos.*

1. Os concesionarios ou titulares dalgún dereito ó uso privativo das augas poderán ceder con carácter temporal a outro concesionario ou titular de dereito de igual ou maior rango segundo a orde de preferencia establecida no plan hidrolóxico da bacía correspondente ou, no seu defecto, no artigo 60 do texto refundido da Lei de augas, logo de autorización administrativa, a totalidade ou parte dos dereitos de uso que lles correspondan, de acordo co previsto no artigo 67.1 do texto refundido da Lei de augas.

A cesión de dereitos ó uso privativo da auga exercerase, en todo caso, con suxeición ás limitacións establecidas na lexislación vixente respecto da utilización do dominio público hidráulico.

A cesión de dereitos ó uso privativo da auga sen a autorización regulada nesta sección será constitutiva da infracción tipificada no artigo 116.g) en relación co 67.1, ámbolos dous do texto refundido da Lei de augas, sen prexuízo da caducidade do dereito concesional do cedente.

2. Para efectos do previsto no punto anterior, son concesionarios e titulares de dereitos ó uso privativo das augas, os seguintes:

a) Os concesionarios de augas superficiais e subterráneas.

b) Os titulares de aproveitamentos temporais de augas privadas inscritos no Rexistro de Augas conforme as disposicións transitorias segunda e terceira do texto refundido da Lei de augas.

3. Non poderán celebrarse contratos de cesión de dereitos ó uso privativo das augas:

a) Os titulares de concesións ou autorizacións concedidas a precario.

b) Os titulares das autorizacións especiais ás que se refire o artigo 59.5. do texto refundido da Lei de augas.

Os concesionarios ou titulares de dereitos de usos privativos de carácter non consuntivo soamente poderán ceder os seus dereitos para usos que teñan o mesmo carácter.

4. Os titulares de dereitos incluídos no catálogo de aproveitamentos de augas privadas non poden acollerse ó establecido neste capítulo, salvo que previamente transformen o seu dereito nunha cesión de augas públicas e soliciten a súa inscrición no Rexistro de Augas.

Nestes casos, a dita solicitude de inscrición deberá constar no contrato de cesión e na solicitude da autorización do contrato requirida polo artigo 346.

5. Os acordos entre usuarios dunha mesma comunidade constituída conforme o artigo 81 do texto refundido da Lei de augas, celebrados para a utilización da auga asignada a cada un deles como membros da comunidade concesionaria, considéranse como actos internos, se a iso non se opuxesen as ordenanzas e estatutos da propia comunidade, e non están suxeitos ó establecido nesta sección.

6. Nas comunidades de usuarios constituídas conforme os artigos 87 e 88 do texto refundido da Lei de augas, son titulares de dereitos cada un dos usuarios que teña inscrito o seu dereito no Rexistro de Augas.

#### Artigo 344. *Formalización e contido dos contratos de cesión.*

1. Os contratos de cesión deben ser formalizados por escrito e neles recolleranse, como mínimo, as seguintes especificacións:

- a) Identificación dos contratantes.
- b) Concesión administrativa ou título xurídico en virtude do cal cada parte adquiriu o dereito a usar privativamente as augas obxecto do contrato, debidamente inscritos no Rexistro de Augas.
- c) Volume anual susceptible de cesión e apreciación do volume susceptible de reutilización.
- d) Compensación económica que, se é o caso, se estableza.
- e) Uso ó que se vai destinalo caudal cedido.
- f) No caso de cesións entre usuarios de auga para rega, a identificación expresa dos predios que o cedente renuncia a regar ou se compromete a regar con menos dotación durante a vixencia do contrato, así como a dos predios que regará ó adquirido co caudal cedido.
- g) Período ó que se refire o contrato de cesión.
- h) Instalacións ou infraestructuras hidráulicas necesarias para a realización material da cesión.

2. Dentro dos 15 días seguintes ó seu asinamento, o cedente e o cesionario deben remitir unha copia do contrato de cesión á comunidade de usuarios a que pertenza un e outro.

A partir da recepción da copia do contrato, as comunidades de usuarios poden formular ante o organismo de bacía as alegacións que consideren convenientes sobre a cesión contratada, no prazo de 15 días.

#### Artigo 345. *Obxecto do contrato de cesión e compensación económica.*

1. O volume anual susceptible de cesión en ningún caso poderá supera-lo realmente utilizado polo cedente e calcularase atendendo ós seguintes criterios:

- a) Teranse en conta os valores do volume realmente utilizado durante os cinco últimos anos.
- b) O valor resultante poderá ser corrixido, se é o caso, atendendo á dotación obxectivo que fixe o plan hidrolóxico de bacía, os retornos que procedan, as circunstancias hidrolóxicas extremas e o respecto ós caudais ambientais establecidos ou, no seu defecto, ó bo uso da auga.

En ningún caso o volume susceptible de cesión poderá ser superior ó que resulte dos acordos que adopte o organismo de bacía en función da situación hidrolóxica de cada ano.

2. A compensación económica derivada da cesión de dereitos ó uso de augas será fixada de mutuo acordo polos contratantes. Atendendo á situación do mercado e ás súas desviacións, o ministro de Medio Ambiente poderá establecelo importe máximo da compensación.

#### Artigo 346. *Solicitude de autorización.*

1. Dentro dos 15 días seguintes ó asinamento, o cedente e o cesionario, conxuntamente, deben remitir unha copia do contrato ó organismo de bacía e solicita-la autorización requirida polo artigo 343.1.

2. Cando as augas obxecto do contrato de cesión se vaian destinar ó abastecemento de poboacións, xuntarase á solicitude de autorización informe da autoridade sanitaria sobre a idoneidade da auga para o dito uso.

3. Cando a cesión de dereitos se refira a unha concesión para regadíos e usos agrarios, o organismo de bacía dará traslado da copia do contrato á correspondente comunidade autónoma e ó Ministerio de Agricultura, Pesca e Alimentación, para que emitan informe previo no ámbito das súas respectivas competencias no prazo de 10 días.

4. O organismo de bacía concederá trámite de audiencia ós solicitantes para que no prazo de 15 días poidan formular alegacións á vista das alegacións que puidesen formula-las comunidades de usuarios de acordo co artigo 344.2, dos informes a que se refire o punto inmediato precedente e de cantas actuacións se practicasen como consecuencia da solicitude.

#### Artigo 347. *Autorización.*

1. Mediante resolución motivada, o organismo de bacía concederá a autorización da cesión logo de comprobación de que o cedente e o cesionario teñen debidamente inscrito o seu dereito lexítimo ó uso privativo da auga e de que o contrato se axusta ó establecido neste capítulo.

A resolución pola que se autorice a cesión de dereitos establecerá o volume máximo anual susceptible de cesión así como a obriga de instalar un contador homologado que mida o caudal realmente cedido.

2. Transcorridos dous meses desde a entrada da solicitude no organismo de bacía sen que este se pronunciase, poderase entender concedida a autorización. O dito prazo será dun mes cando se trate de cesións entre membros da mesma comunidade de usuarios.

#### Artigo 348. *Denegación.*

1. Mediante resolución motivada, o organismo de bacía denegará a autorización cando o cedente ou o cesionario non teñan debidamente inscrito o seu dereito lexítimo ó uso privativo da auga, e cando concorran as circunstancias sinaladas no artigo 68.3 do texto refundido da Lei de augas.

2. A denegación da autorización solicitada non dará dereito a indemnización ningunha en favor dos contratantes.

#### Artigo 349. *Adquisición preferente.*

Nos mesmos prazos e casos establecidos no artigo 347.2, o organismo de bacía poderá acordala adquisición do aproveitamento dos caudais obxecto do contrato, en virtude do dereito de adquisición preferente recoñecido no artigo 68.3 do texto refundido da Lei de augas.

Se o contrato inclúe unha compensación económica, a adquisición queda condicionada ó aboa-

mento polo organismo de bacía ó cedente dunha cantidade igual, nun prazo de tres meses, a partir do acordo de adquisición.

**Artigo 350. *Inscripción no Rexistro de Augas.***

Inscribiranse no Rexistro de Augas os contratos de cesión de dereitos ó uso privativo da auga, así como o rescate dos aproveitamentos mediante a adquisición regulada no artigo 349, nos termos que estableza o ministro de Medio Ambiente.

**Artigo 351. *Instalacións e infraestructuras hidráulicas.***

1. Cando a realización material das cesións acordadas requira o emprego de instalacións ou infraestructuras hidráulicas das que fosen titulares terceiros, o seu uso establecerase por libre acordo entre as partes.

2. No caso de que as instalacións ou infraestructuras hidráulicas necesarias sexan de titularidade do organismo de bacía, ou ben teña este encomendada a súa explotación, os contratantes deberán solicitar, á vez que dan traslado da copia do contrato para a súa autorización, a determinación do réxime de utilización das ditas instalacións ou infraestructuras, así como a fixación das exaccións económicas que correspondan de acordo coa lexislación vixente.

3. Se para a realización material das cesións acordadas fose necesario construír novas instalacións ou infraestructuras hidráulicas, os contratantes deberán presentar, á vez que solicitan a autorización, o documento técnico que defina adecuadamente as ditas obras e instalacións. Cando as augas cedidas se vaian destinar ó abastecemento de poboacións, presentarase tamén informe da autoridade sanitaria sobre a idoneidade da auga para o dito uso.

4. A autorización do contrato de cesión non implicará por si mesma a autorización para o uso ou construción de infraestructuras a que se refire este artigo.

A resolución do organismo de bacía sobre o uso ou construción de infraestructuras a que se refire o parágrafo anterior será independente da decisión que adopte sobre a autorización ou non do contrato de cesión, e non se lle aplicarán os prazos a que se refire o artigo 347 deste regulamento de acordo co disposto no artigo 70 do texto refundido da Lei de augas.

5. Transcorrido o prazo de catro meses desde a entrada da solicitude no organismo de bacía sen que este se pronunciase, poderase entender concedida a autorización para o uso ou construción de infraestructuras.

**Artigo 352. *Compensacións económicas.***

1. Cando as infraestructuras precisas para os contratos de cesión fosen de titularidade pública, devengarase as taxas ou prezos que resulten de aplicación.

2. Se as infraestructuras necesarias fosen de titularidade privada, os contratantes poderán pactar libremente as compensacións económicas.

**Artigo 353. *Autorización de vertedura nos contratos de cesión.***

1. No caso de que o cedente ou o cesionario fosen titulares da autorización de vertedura a que se refiren os artigos 245 e seguintes deste regulamento, deberán facer constar esta circunstancia na documentación remitida coa solicitude de autorización do contrato, que deberá vir acompañada

dun estudio dos posibles efectos que, respecto daquela, comporte a cesión de dereitos.

2. O organismo de bacía tramitará a oportuna modificación da autorización ou autorizacións de vertedura nos termos do artigo 262.

3. No caso de que se considere que a nova situación derivada da cesión de dereitos comporta unha vertedura de augas ou produtos residuais non autorizada, comunicaráselles así ós interesados e revogarase a autorización do contrato, logo de audiencia daqueles, sen dereito a indemnización.

## CAPÍTULO II

### Centros de intercambio

**Artigo 354. *Centros de intercambio de dereitos de uso da auga.***

1. Ó abeiro do artigo 71 do texto refundido da Lei de augas, poderanse constituír centros de intercambio de dereitos de uso da auga, mediante acordo do Consello de Ministros, por proposta do ministro de Medio Ambiente, nas situacións reguladas nos artigos 55, 56 e 58 do mesmo texto legal.

2. Poderán participar nas operacións dos centros de intercambio, para cede-los seus dereitos, os concesionarios e os titulares de aproveitamento ó uso privativo das augas que teñan inscritos os seus dereitos no Rexistro de Augas ou no catálogo de aproveitamentos da bacía, respectivamente.

**Artigo 355. *A oferta pública de adquisición de dereitos.***

1. A aprobación polo Consello de Ministros da constitución do centro de intercambio de dereitos de uso da auga facultará o organismo de bacía para realizar ofertas públicas de adquisición de dereitos.

2. O organismo de bacía deberá publica-la oferta pública de adquisición de dereitos de uso da auga no «Boletín Oficial del Estado», no diario oficial das comunidades autónomas afectadas e, polo menos, en dous xornais de ampla difusión. No anuncio farase referencia á existencia dun folleto explicativo da oferta, que estará á disposición dos interesados na sede do organismo de bacía.

3. Na oferta pública de adquisición concretaranse necesariamente os seguintes extremos:

a) O volume máximo susceptible de cesión e as características dos aproveitamentos que poden ceder dereitos.

b) Os requisitos técnicos necesarios para poder acudir á oferta pública de adquisición e, en especial, os referentes á calidade do recurso e ós criterios relativos ó retorno das augas susceptibles de cesión.

c) Os importes máximos e mínimos da compensación económica que deben satisfacerse pola cesión dos dereitos ó uso privativo das augas e as condicións e formas de pagamento.

d) O carácter temporal ou definitivo da cesión e, se é o caso, prazo que se estableza.

e) Os criterios en virtude dos cales o organismo de bacía, respectando os principios de publicidade e concorrencia, procederá a selecciona-los dereitos que sexan obxecto de adquisición, así como a determinación do prezo da cesión que poderá incluír unha porcentaxe para gastos de xestión, non superior ó cinco por cento do citado prezo. Na determinación dos volumes e compensacións obxecto de intercambio teranse en conta, en primeiro lugar,



as prioridades de usos e a compatibilidade cos plans hidrolóxicos de bacía e os sistemas de explotación do recurso e, en segundo lugar, o menor custo da adquisición dos dereitos susceptibles de cesión.

f) O prazo, contado desde a publicación da oferta no «Boletín Oficial del Estado», para a presentación de solicitudes por parte dos concesionarios ou titulares de dereitos interesados.

4. Nas solicitudes que se dirixan ó organismo de bacía para ceder dereitos ó uso privativo, os solicitantes deberán facer constar necesariamente os seguintes datos:

a) Identificación do concesionario ou titular que desexa ceder.

b) Título xurídico que ampara o dereito ó uso privativo das augas que posúe o solicitante.

c) Volume de auga que está disposto a ceder.

d) Xustificación do cumprimento do resto dos requisitos fixados polo organismo de bacía para poder acudir á oferta pública de adquisición, en especial os referentes á calidade do recurso e ós criterios relativos ó retorno das augas susceptibles de cesión.

5. Recibidas as solicitudes nos prazos previstos na oferta pública de adquisición, o organismo de bacía resolverá sobre a determinación dos dereitos que resultaron adxudicatarios da oferta.

6. A resolución notificaráselles ós afectados, publicarase no «Boletín Oficial del Estado» e inscribirase no Rexistro de Augas.

7. Os pagamentos e ingresos que deba realizarlo organismo de bacía para adquirir ou ceder dereitos de uso da auga contabilizaranse separadamente respecto do resto de actos en que o organismo poida intervir.»

Dezasete. O anexo ó título II pasa a se-lo anexo I, sen variación do seu contido.

Dezaioito. Engádesse un novo anexo II co seguinte contido:

## «ANEXO II

### Contaminantes

1. Compostos organohaloxenados e substancias que poidan dar orixe a compostos desta clase no medio acuático.

2. Compostos organofosforados.

3. Compostos organoestánicos.

4. Substancias e preparados ou produtos derivados deles, para as que se demostrou que posúen propiedades canceríxenas, mutaxénicas ou propiedades que poidan afecta-la función esteroi-doxénica, a tiroides, a reprodución ou outras funcións endócrinas, no medio acuático ou a través do medio acuático.

5. Hidrocarburos persistentes e substancias orgánicas tóxicas persistentes e bioacumulables.

6. Cianuros.

7. Metais e os seus compostos.

8. Arsénico e os seus compostos.

9. Biocidas e produtos fitosanitarios.

10. Materias en suspensión.

11. Substancias que contribúen á eutrofización (en particular nitratos e fosfatos).

12. Substancias que exercen unha influencia desfavorable sobre o balance de osíxeno (e que poden ser medidas mediante parámetros tales como DBO ou DQO).»

Dezanove. O anexo ó título III pasa a se-lo anexo III, sen variación do seu contido, salvo o punto 1 da relación II, que queda redactado do seguinte xeito:

«1. Substancias que forman parte das categorías e grupos enumerados na relación I para as que non se fixasen límites segundo o artigo 256 deste regulamento, excepto cando se trate de verteduras a augas subterráneas.»

Vinte. O anexo ó título IV pasa a se-lo anexo IV, co seguinte contido:

## «ANEXO IV

### Cálculo do coeficiente de maioración ou minoración do canon de control de verteduras

A) O cálculo do coeficiente de maioración ou minoración obtense, para cada un dos dous tipos de vertedura indicados no punto 1, Natureza da vertedura, do resultado de multiplica-los factores correspondentes a cada clase dos puntos 2, 3 e 4 seguintes.

As verteduras de piscifactorías, de augas de achi-que procedentes de actividades mineiras e de augas de refrixeración son augas residuais industriais. Para o cálculo do coeficiente de minoración séguense as indicacións establecidas nos puntos B), C) e D) deste anexo.

1. Natureza da vertedura.

Auga residual urbana ou asimilable (\*).

Auga residual industrial.

2. Características da vertedura.

Urbanos ata 1.999 habitantes-equivalentes (\*\*)= 1.

Urbanos entre 2.000 e 9.999 habitantes-equivalentes (\*\*)= 1,14.

Urbanos a partir de 10.000 habitantes-equivalentes (\*\*)= 1,28.

Industrial clase 1 (\*\*\*)= 1.

Industrial clase 2 (\*\*\*)= 1,09.

Industrial clase 3 (\*\*\*)= 1,18.

Clase 1, 2 ou 3 con substancias perigosas (\*\*\*\*)= 1,28.

3. Grao de contaminación da vertedura.

Urbanos con tratamento adecuado (\*\*)= 0,5.

Urbanos sen tratamento adecuado (\*\*)= 2,5.

Industrial con tratamento adecuado (\*\*)= 0,5.

Industrial sen tratamento adecuado (\*\*)= 2,5.

4. Calidade ambiental do medio receptor (\*\*\*\*).

Vertedura en zona de categoría I=1,25.

Vertedura en zona de categoría II= 1,12.

Vertedura en zona de categoría III= 1.

#### Notas:

(\*) Enténdese por auga residual urbana ou asimilable aquela que non conteña un volume de augas residuais industriais maior dun 30%.

(\*\*) As definicións de habitante-equivalente e de tratamento adecuado, son as que se encontran no Real decreto lei 11/1995. En consecuencia, e para os efectos do cálculo do canon de control de verteduras, esténdese a definición de tratamento adecuado ás verteduras industriais. Clasifícase a vertedura urbana considerando o número total de habitantes da entidade de poboación (núcleo) a que pertence. No caso de que unha vertedura reciba as augas residuais de varios núcleos de poboación, clasifícase pola suma total dos seus habitantes.

(\*\*\*) Clasificación das verteduras segundo a actividade industrial.

Clase	Grupo	
Clase 1.	0	Servicios.
	1	Enerxía e auga.
	2	Metal.
	3	Alimentación.
	4	Conserveira.
	5	Confección.
	6	Madeira.
Clase 2.	7	Manufacturas diversas.
	8	Minería.
	9	Química.
	10	Materiais de construción.
	11	Bebidas e tabaco.
	12	Aceites, carnes e lácteos.
	13	Téxtil.
Clase 3.	14	Papel.
	15	Curtidos.
	16	Tratamiento de superficies.
	17	Zootecnia.

### Clasificación das verteduras grupos de actividade clasificación por CNAE

CNAE	TÍTULO	GRUPO	CLASE
01.21	Explotación de gando bovino e produción de leite cru .....	17	3
01.22	Explotación de gando ovino, caprino e equino .....	17	3
01.23	Explotación de gando porcino .....	17	3
01.24	Avicultura .....	17	3
01.25	Outras explotacións de gando .....	17	3
01.30	Producción agraria combinada coa produción gandeira .....	17	3
01.41	Actividades de servicios relacionados coa agricultura .....	0	1
01.42	Actividades de servicios relacionados coa gandería, excepto actividades veterinarias .....	0	1
05.02	Acuicultura .....	17	3
10.10	Extracción e aglomeración de antracita e hulla .....	8	2
10.20	Extracción e aglomeración de lignito pardo .....	8	2
10.30	Extracción e aglomeración de turba ....	8	2
11.10	Extracción de crus de petróleo e gas natural .....	8	2
11.20	Actividades dos servicios relacionados coas explotacións petrolíferas e de gas, excepto actividades de prospección .....	8	2
12.00	Extracción de minerais de uranio e torio .....	8	2
13.10	Extracción de minerais de ferro .....	8	2
13.20	Extracción de minerais metálicos non férreos, excepto minerais de uranio e torio .....	8	2
14.11	Extracción de pedra para a construción .....	8	2
14.12	Extracción de pedra calcaria, xeso e creta. ....	8	2
14.13	Extracción de lousas .....	8	2
14.21	Extracción de gravas e areas .....	8	2
14.22	Extracción de arxila e caolín .....	8	2
14.30	Extracción de minerais para fertilizantes e produtos químicos .....	8	2
14.40	Producción de sal .....	8	2

CNAE	TÍTULO	GRUPO	CLASE
14.50	Extracción doutros minerais non metálicos nin enerxéticos .....	8	2
15.11	Sacrificio de gando e conservación de carne .....	12	2
15.12	Sacrificio e conservación de aves .....	12	2
15.13	Fabricación de produtos cárnicos .....	4	1
15.20	Elaboración e conservación de peixe e produtos a base de peixe .....	12	2
15.31	Preparación e conservación de patacas. ....	3	1
15.32	Fabricación de zumes de froitas e hortalizas .....	4	1
15.33	Fabricación de conservas de froitas e hortalizas .....	4	1
15.41	Fabricación de aceites e graxas sen refinar .....	12	2
15.42	Fabricación de aceites e graxas refinadas .....	3	1
15.43	Fabricación de margarina e graxas comestibles similares .....	3	1
15.51	Fabricación de produtos lácteos .....	12	2
15.52	Elaboración de xeados .....	12	2
15.61	Fabricación de produtos de industria da moenda .....	3	1
15.62	Fabricación de amidóns e produtos amiláceos .....	3	1
15.71	Fabricación de produtos para a alimentación de animais de granxa .....	3	1
15.72	Fabricación de produtos para a alimentación de animais de compañía .....	3	1
15.81	Fabricación de pan e produtos de panadería e pastelería frescos .....	3	1
15.82	Fabricación de galletas e de produtos de panadería e pastelería de longa duración .....	3	1
15.83	Industria do azucre .....	3	1
15.84	Industria do cacao, chocolate e confeitaría .....	3	1
15.85	Fabricación de pastas alimenticias .....	3	1
15.86	Elaboración de café, té e infusións .....	3	1
15.87	Elaboración de especias, salsas e condimentos .....	3	1
15.88	Elaboración de preparados para a alimentación infantil e preparados dietéticos .....	3	1
15.89	Elaboración doutros produtos alimenticios .....	3	1
15.91	Destilación de bebidas alcohólicas .....	11	2
15.92	Destilación de alcohol etílico procedente de fermentación .....	11	2
15.93	Elaboración de vinos .....	11	2
15.94	Elaboración de sidra e outras bebidas fermentadas a partir de froitas .....	11	2
15.95	Elaboración doutras bebidas non destiladas, procedentes de fermentación ..	11	2
15.96	Fabricación de cervexa .....	11	2
15.97	Fabricación de malte .....	11	2
15.98	Producción de augas minerais e bebidas analcohólicas .....	11	1
16.00	Industria do tabaco .....	11	2
17.11	Preparación e fiadura de fibras de algodón e as súas mesturas .....	13	2
17.12	Preparación e fiadura de fibras de la cardada e as súas mesturas .....	13	2
17.13	Preparación e fiadura de fibras de la peiteada e as súas mesturas .....	13	2
17.14	Preparación e fiadura de fibras de liño e as súas mesturas .....	13	2
17.15	Torcedura e preparación da seda; torcedura e textura de filamentos sintéticos e artificiais .....	13	2
17.16	Fabricación de fío de coser .....	13	2
17.17	Preparación e fiadura doutras fibras téxtiles .....	13	2
17.21	Fabricación de tecidos de algodón e as súas mesturas .....	13	2
17.22	Fabricación de tecidos de la cardada e as súas mesturas .....	13	2
17.23	Fabricación de tecidos de la peiteada e as súas mesturas .....	13	2
17.24	Fabricación de tecidos de seda .....	13	2
17.25	Fabricación doutros tecidos téxtiles ....	13	2

CNAE	TÍTULO	GRUPO	CLASE	CNAE	TÍTULO	GRUPO	CLASE
17.30	Acabado de téxtiles .....	13	2	24.13	Fabricación de productos básicos de química inorgánica .....	9	2
17.40	Fabricación doutros artigos confeccionados con téxtiles, excepto pezas de roupa de vestir .....	13	2	24.14	Fabricación de productos básicos de química orgánica .....	9	2
17.51	Fabricación de alfombras e moquetas ..	13	2	24.15	Fabricación de fertilizantes e compostos nitrogenados fertilizantes .....	9	2
17.52	Fabricación de cordas, cordeis, breimantes e redes .....	13	2	24.16	Fabricación de primeiras materias plásticas .....	9	2
17.53	Fabricación de teas non tecidas e artigos confeccionados con estas, excepto pezas de roupa de vestir .....	13	2	24.17	Fabricación de caucho sintético en forma primaria .....	9	2
17.54	Fabricación doutros tecidos téxtiles ....	13	2	24.20	Fabricación de pesticidas e outros productos agroquímicos .....	9	2
17.60	Fabricación de tecidos de punto .....	13	2	24.30	Fabricación de pinturas, vernices e revestimentos similares; tintas de imprenta e masillas .....	9	2
17.71	Fabricación de xéneros de punto .....	13	2	24.41	Fabricación de productos farmacéuticos de base .....	9	2
17.72	Fabricación doutros artigos en tecidos de punto .....	13	2	24.42	Fabricación de preparacions farmacéuticas e outros productos farmacéuticos de uso medicinal .....	9	2
18.10	Confección de pezas de vestir de coiro ..	5	1	24.51	Fabricación de xabóns, deterxentes e outros artigos de limpeza e abrillantamento .....	9	2
18.21	Confección de roupa de traballo .....	5	1	24.52	Fabricación de perfumes e productos de beleza e hixiene .....	9	2
18.22	Confección doutras pezas de roupa exteriores .....	5	1	24.61	Fabricación de explosivos e artigos pirotécnicos .....	9	2
18.23	Confección de roupa interior .....	5	1	24.62	Fabricación de colas e xelatinas .....	9	2
18.24	Confección doutras pezas de roupa de vestir e accesorios .....	5	1	24.63	Fabricación de aceites esenciais .....	9	2
18.30	Preparación e tinxidura de peles de peletería; fabricación de artigos de peletería .....	5	1	24.64	Fabricación de material fotográfico virxe e preparados químicos para fotografía .....	9	2
19.10	Preparación, curtume e acabado do coiro .....	15	3	24.65	Fabricación de soportes virxes para gravación .....	9	2
19.20	Fabricación de artigos de marroquinería e viaxe, artigos de albartería e correería .....	15	3	24.66	Fabricación doutros productos químicos .....	9	2
19.30	Fabricación de calzado .....	5	1	24.70	Fabricación de fibras artificiais e sintéticas .....	9	2
20.10	Serradura e cepillado da madeira; preparación industrial da madeira .....	6	1	25.11	Fabricación de pneumáticos e cámaras de caucho .....	9	2
20.20	Fabricación de chapas, taboleiros contrachapados, alistonados, de partículas aglomeradas, de fibras e outros taboleiros e chapados .....	6	1	25.12	Reconstrucción e recauchutaxe de pneumáticos .....	9	2
20.30	Fabricación de estruturas de madeira e pezas de carpintería e ebanistería para a construción .....	6	1	25.13	Fabricación doutros productos de caucho .....	9	2
20.40	Fabricación de envases e embalaxes de madeira .....	6	1	25.21	Fabricación de placas, follas, tubos e perfís de materias plásticas .....	9	2
20.51	Fabricación doutros productos de madeira .....	6	1	25.22	Fabricación de envases e embalaxes de materias plásticas .....	9	2
20.52	Fabricación de productos de cortiza, cestería e espartería .....	6	1	25.23	Fabricación de productos de materias plásticas para a construción .....	9	2
21.11	Fabricación de pasta papeleira .....	14	2	25.24	Fabricación doutros productos de materias plásticas .....	9	2
21.12	Fabricación de papel e cartón .....	14	2	26.11	Fabricación de vidro plano .....	10	2
21.21	Fabricación de papel e cartón ondulado; fabricación de envases e embalaxes de papel e cartón .....	14	2	26.12	Manipulación e transformación de vidro plano .....	10	2
21.22	Fabricación de artigos de papel e cartón para uso doméstico e sanitario .....	14	2	26.13	Fabricación de vidro oco .....	10	2
21.23	Fabricación de artigos de papelería .....	14	2	26.14	Fabricación de fibra de vidro .....	10	2
21.24	Fabricación de papeis pintados .....	14	2	26.15	Fabricación e manipulado doutro vidro (incluído o vidro técnico) .....	10	2
21.25	Fabricación doutros artigos de papel e cartón .....	14	2	26.21	Fabricación de artigos cerámicos de uso doméstico e ornamental .....	10	2
22.11	Edición de libros .....	7	1	26.22	Fabricación de aparellos sanitarios cerámicos .....	10	2
22.12	Edición de periódicos .....	7	1	26.23	Fabricación de illadores e pezas illantes de material cerámico .....	10	2
22.13	Edición de revistas .....	7	1	26.24	Fabricación doutros productos cerámicos de uso técnico .....	10	2
22.14	Edición de soportes de son gravado .....	7	1	26.25	Fabricación doutros productos cerámicos .....	10	2
22.15	Outras actividades de edición .....	7	1	26.26	Fabricación de productos cerámicos refractarios .....	10	2
22.21	Impresión de periódicos .....	7	1	26.30	Fabricación de azulexos e baldosas de cerámica .....	10	2
22.22	Outras actividades de impresión .....	7	1	26.40	Fabricación de ladrillos, tellas e productos de terras cocidas para a construción .....	10	2
22.23	Encadernación e acabado .....	7	1	26.51	Fabricación de cemento .....	10	2
22.24	Composición e fotogravado .....	7	1	26.52	Fabricación de cal .....	10	2
22.25	Outras actividades gráficas .....	7	1				
22.31	Reproducción de soportes de son gravado .....	7	1				
22.32	Reproducción de soportes de vídeo gravado .....	7	1				
22.33	Reproducción de soportes de informática gravados .....	7	1				
23.10	Coquerías .....	8	2				
23.20	Refinación de petróleo .....	8	2				
23.30	Tratamento de combustibles nucleares e residuos radioactivos .....	8	2				
24.11	Fabricación de gases industriais .....	9	2				
24.12	Fabricación de colorantes e pigmentos .....	9	2				



CNAE	TÍTULO	GRUPO	CLASE	CNAE	TÍTULO	GRUPO	CLASE
26.53	Fabricación de xeso .....	10	2	29.23	Fabricación de maquinaria de ventilación e refrixeración non doméstica ...	2	1
26.61	Fabricación de elementos de formigón para a construción .....	10	2	29.24	Fabricación doutra maquinaria de uso xeral .....	2	1
26.62	Fabricación de elementos de xeso para a construción .....	10	2	29.31	Fabricación de tractores agrícolas .....	2	1
26.63	Fabricación de formigón fresco .....	10	2	29.32	Fabricación doutra maquinaria agraria ..	2	1
26.64	Fabricación de argamasa .....	10	2	29.40	Fabricación de máquinas-ferramenta ...	2	1
26.65	Fabricación de fibrocemento .....	10	2	29.51	Fabricación de maquinaria para a industria metalúrxica .....	2	1
26.66	Fabricación doutros produtos de formigón, xeso e cemento .....	10	2	29.52	Fabricación de maquinaria para as industrias extractivas e da construción .....	2	1
26.70	Industria da pedra .....	10	2	29.53	Fabricación de maquinaria para a industria da alimentación, bebidas e tabaco ..	2	1
26.81	Fabricación de produtos abrasivos ....	10	2	29.54	Fabricación de maquinaria para a industria téxtil, da confección e do coiro ...	2	1
26.82	Fabricación doutros produtos minerais non metálicos .....	10	2	29.55	Fabricación de maquinaria para a industria do papel e do cartón .....	2	1
27.10	Fabricación de produtos básicos de ferro, aceiro e ferroalixes (CECA) ....	2	1	29.56	Fabricación doutra maquinaria para usos específicos .....	2	1
27.21	Fabricación de tubos de ferro .....	2	1	29.60	Fabricación de armas e municións .....	2	1
27.22	Fabricación de tubos de aceiro .....	2	1	29.71	Fabricación de aparellos electrodomésticos .....	2	1
27.31	Estiraxe en frío .....	2	1	29.72	Fabricación de aparellos domésticos non eléctricos .....	2	1
27.32	Laminación en frío .....	2	1	30.01	Fabricación de máquinas de oficina ....	2	1
27.33	Producción de perfís en frío por conformación con pregadura .....	2	1	30.02	Fabricación de ordenadores e outro equipamento informático .....	2	1
27.34	Trefilaxe en frío .....	2	1	31.10	Fabricación de motores eléctricos, transformadores e xeradores .....	2	1
27.35	Producción de ferroalixes non CECA e outros procesos de transformación do ferro e do aceiro .....	2	1	31.20	Fabricación de aparellos de distribución e control eléctricos .....	2	1
27.41	Producción e primeira transformación de metais preciosos .....	2	1	31.30	Fabricación de fíos e cables eléctricos illados .....	2	1
27.42	Producción e primeira transformación de aluminio .....	2	1	31.40	Fabricación de acumuladores e pilas eléctricas .....	2	1
27.43	Producción e primeira transformación de chumbo, cinc e estaño .....	2	1	31.50	Fabricación de lámpadas eléctricas e aparellos de iluminación .....	2	1
27.44	Producción e primeira transformación de cobre .....	2	1	31.61	Fabricación de material e equipamento eléctrico para motores e vehículos ...	2	1
27.45	Producción e primeira transformación doutros metais non férreos .....	2	1	31.62	Fabricación doutro equipamento e material eléctrico .....	2	1
27.51	Fundición de ferro .....	2	1	32.10	Fabricación de válvulas, tubos e outros compoñentes electrónicos .....	2	1
27.52	Fundición de aceiro .....	2	1	32.20	Fabricación de transmisores de radiodifusión e televisión e de aparellos para a radiotelefonía e radiotelegrafía con fíos .....	2	1
27.53	Fundición de metais lixeiros .....	2	1	32.30	Fabricación de aparellos de recepción, gravación e reprodución de son e imaxe .....	2	1
27.54	Fundición doutros metais non férreos ..	2	1	33.10	Fabricación de equipamento e instrumentos médico-cirúrxicos e de aparellos ortopédicos .....	2	1
28.11	Fabricación de estruturas metálicas e as súas partes .....	2	1	33.20	Fabricación de instrumentos e aparellos de medida, verificación, control, navegación e outros fins, excepto equipamentos de control para procesos industriais .....	2	1
28.12	Fabricación de carpintería metálica ....	2	1	33.30	Fabricación de equipamento de control de procesos industriais .....	2	1
28.21	Fabricación de cisternas, grandes depósitos e contedores de metal .....	2	1	33.40	Fabricación de instrumentos de óptica e de equipamento fotográfico .....	2	1
28.22	Fabricación de radiadores e caldeiras para calefacción central .....	2	1	33.50	Fabricación de reloxos .....	2	1
28.30	Fabricación de xeradores de vapor ....	2	1	34.10	Fabricación de vehículos de motor .....	2	1
28.40	Forxa, estampación e embutición de metais; metalurxia de pos .....	2	1	34.20	Fabricación de carrocerías para vehículos de motor, de remolques e semirremolques .....	2	1
28.51	Tratamento e revestimento de metais ..	16	3	34.30	Fabricación de partes, pezas e accesorios non eléctricos para vehículos de motor e os seus motores .....	2	1
28.52	Enxeñería mecánica xeral por conta de terceiros .....	2	1	35.11	Construcción e reparación de barcos (excepto recreo e deporte) .....	2	1
28.61	Fabricación de artigos de coitelaría e cubertería .....	2	1	35.12	Construcción e reparación de embarcacións de recreo e deporte .....	2	1
28.62	Fabricación de ferramentas e de utensilios intercambiabes para máquinas-ferramenta .....	2	1	35.20	Fabricación de material ferroviario .....	2	1
28.63	Fabricación de pechaduras e ferraxes ..	2	1	35.30	Construcción aeronáutica e espacial ...	2	1
28.71	Fabricación de bidóns e toneis de ferro ou aceiro .....	2	1	35.41	Fabricación de motocicletas .....	2	1
28.72	Fabricación de envases e embalaxes lixeiros, en metal .....	2	1	35.42	Fabricación de bicicletas .....	2	1
28.73	Fabricación de produtos de arame ....	2	1	35.43	Fabricación de vehículos para inválidos ..	2	1
28.74	Fabricación de gonzos, parafusos, cadeas e resortes .....	2	1				
28.75	Fabricación doutros produtos metálicos .....	2	1				
29.11	Fabricación de motores e turbinas, excepto os destinados a aeronaves, vehículos automóbiles e ciclomotores ..	2	1				
29.12	Fabricación de bombas, compresores e sistemas hidráulicos .....	2	1				
29.13	Fabricación de válvulas e billas .....	2	1				
29.14	Fabricación de chumaceiras, engraxes e órganos mecánicos de transmisión .....	2	1				
29.21	Fabricación de fornos e queimadores ..	2	1				
29.22	Fabricación de maquinaria de elevación e manipulación .....	2	1				

CNAE	TÍTULO	GRUPO	CLASE
35.50	Fabricación doutro material de transporte .....	2	1
36.11	Fabricación de cadeiras e outros asentos .....	6	1
36.12	Fabricación de mobles de oficina e establecementos comerciais .....	6	1
36.13	Fabricación de mobles de cociña e baño .....	6	1
36.14	Fabricación doutros mobles .....	6	1
36.15	Fabricación de colchóns .....	7	1
36.21	Fabricación de moedas e medallas .....	7	1
36.22	Fabricación de artigos de xoiería, ourivería e prateria .....	7	1
36.30	Fabricación de instrumentos musicais .....	7	1
36.40	Fabricación de artigos de deporte .....	7	1
36.50	Fabricación de xogos e xoguetes .....	7	1
36.61	Fabricación de bixutería .....	7	1
36.62	Fabricación de vasoiras, brochas e cepillos .....	7	1
36.63	Fabricación doutros artigos .....	7	1
37.10	Reciclaxe de chatarra e refugallos de metal .....	2	1
37.20	Reciclaxe de refugallos non metálicos ..	10	2
40.10	Producción e distribución de enerxía eléctrica .....	1	1
40.20	Producción de gas; distribución de combustibles gasosos por conductos urbanos, excepto gasoductos .....	1	1
40.30	Producción e distribución de vapor e auga quente .....	1	1
41.00	Captación, depuración e distribución de auga .....	1	1
50.20	Mantemento e reparación de vehículos de motor .....	0	1
50.50	Venda polo miúdo de carburantes para a automoción .....	0	1
73.10	Investigación e desenvolvemento sobre ciencias naturais e técnicas .....	0	1
74.30	Ensaos e análises técnicas .....	0	1
74.81	Actividades de fotografía .....	9	2
85.11	Actividades hospitalarias .....	0	1
93.01	Lavado, limpeza e tinxidura de pezas de roupa téxtiles e de pel .....	15	3
93.03	Funerarias e actividades relacionadas con elas .....	0	1

As augas de procedencia urbana non asimilables a augas urbanas, por conteren máis dun 30% de volume de auga industrial, clasificaranse en dous tramos:

Verteduras cunha porcentaxe de augas industriais entre o 30% e o 70% do total: o conxunto da vertedura clasificarase como industrial de clase 1.

Verteduras cunha porcentaxe de augas industriais superior ó 70% do total: o conxunto da vertedura considerarase industrial e clasificarase segundo as clases industriais das actividades de que se trate, aplicando os criterios seguintes: no caso de polígonos industriais ou outras verteduras que reúnan os efluentes procedentes de distintas actividades industriais, aplicarase ó conxunto da vertedura o maior dos coeficientes que corresponderían a cada unha das actividades se vertesen individualmente. Non obstante, se a solicitude de autorización de vertedura desagrega os volumes das distintas clases industriais, ponderarase o correspondente coeficiente que debe aplicarse.

(\*\*\*\*) Para a inclusión nesta clase abondará con que se constate na vertedura a presenza dunha das substancias perigosas en concentración superior ó límite de cuantificación analítica. Para os sos efectos da aplicación deste factor, considéranse substancias perigosas as que figuran nas seguintes normas:

a) Orde do 12 de novembro de 1987, sobre normas de emisión, obxectivos de calidade e métodos de medición de referencia relativos a determinadas substancias nocivas ou

perigosas contidas nas verteduras de augas residuais, modificada polas ordes do 13 de marzo de 1989, 27 de febreiro de 1991, 28 de xuño de 1991 e 25 de maio de 1992.

b) Real decreto 995/2000, do 2 de xuño, polo que se fixan obxectivos de calidade para determinadas substancias contaminantes e se modifica o Regulamento do dominio público hidráulico, aprobado polo Real decreto 849/1986, do 11 de abril.

c) Decisión n.º 2455/2001/CE do Parlamento Europeo e do Consello, do 20 de novembro de 2001, pola que se aproba a lista de substancias prioritarias no ámbito da política de augas, e pola que se modifica a Directiva 2000/60/CE.

Estas normas mantéñense en vigor entrementes non sexan modificadas polas normas que, sobre substancias perigosas, sexan aprobadas en aplicación da Directiva 2000/60/CE, pola que se establece un marco comunitario de actuación no ámbito da política de augas.

As substancias seleccionadas clasifícanse en lista I, lista II e lista prioritaria da seguinte forma:

Lista I: integrada polas substancias contidas na orde do 12 de novembro de 1988, modificada polas ordes do 13 de marzo de 1989, 27 de febreiro de 1991, 28 de xuño de 1991 e 25 de maio de 1992.

CAS (1)	Substancia
7439-97-6	Mercurio
7440-43-9	Cadmio
608-73-1	Hexaclorociclohexano (HCH)
56-23-5	Tetracloruro de carbono
50-29-3	Diclorodifeniltricloroetano (DDT)
87-86-5	Pentaclorofenol
309-00-2	Aldrina, dieldrina, endrina, isodrina
118-74-1	Hexaclorobenceno
87-68-3	Hexaclorobutadieno
67-66-3	Cloroformo
107-06-2	1,2 dicloroetano
79-01-6	Tricloroetileno
127-18-4	Percloroetileno
12002-48-1	Triclorobencenos

(1) CAS: número de rexistro do *Chemical Abstract Services*.

Lista II: integrada polas substancias contidas no Real decreto 995/2000, do 2 de xuño, polo que se fixan obxectivos de calidade para determinadas substancias contaminantes e se modifica o Regulamento de dominio público hidráulico, aprobado polo Real decreto 849/1986, do 11 de abril.

CAS (1)	Substancia
1912-24-9	Atrazina
71-43-2	Benceno
108-90-7	Clorobenceno
25321-22-6	Diclorobenceno ( $\Sigma$ isómeros orto, meta e para)
100-41-4	Etilbenceno
51218-45-2	Metolacoloro
91-20-3	Naftaleno
122-34-9	Simazina
5915-41-3	Terbutilazina
108-88-3	Tolueno
Non aplicable	Tributilestaño ( $\Sigma$ compostos de butilestaño)
71-55-6	1,1,1-Tricloroetano
1330-20-7	Xileno ( $\Sigma$ isómeros orto, meta, para)
74-90-8	Cianuros totais
16984-48-8	Fluoruros
7440-38-2	Arsénico total
7440-50-8	Cobre disolto
7440-47-3	Cromo total disolto
7440-02-0	Níquel disolto

CAS (1)	Substancia
7439-92-1 7782-49-2 7440-66-6	Chumbo disolto Selenio disolto Cinc total

(1) CAS: número de rexistro do *Chemical Abstract Services*.

Lista prioritaria: integrada polas substancias contidas na Decisión n.º 2455/2001/CE do Parlamento Europeo e do Consello, do 20 de novembro de 2001, pola que se aproba a lista de substancias prioritarias no ámbito da política de augas, e pola que se modifica a Directiva 2000/60/CE.

CAS (1)	Substancia
15972-60-8	Alacloro
120-12-7	Antraceno
1912-24-9	Atrazina
71-43-2	Benceno
non aplicable	Difeniléteres bromados
7440-43-9	Cadmio e os seus compostos
85535-84-8	C <sub>10-13</sub> -cloroalcanos
470-90-6	Clorofeninfos
2921-88-2	Cloropirifos
107-06-2	1,2-dicloroetanos
75-09-2	Diclorometano
117-81-7	Di(2-etilhexil)ftalato (DEHP)
330-54-1	Diurón
115-29-7	Endosulfán
959-98-8	(alfa-endosulfán)
206-44-0	Fluoranteno
118-74-1	Hexaclorobenceno
87-68-3	Hexaclorobutadieno
608-73-1	Hexaclorociclohexano
58-89-9	(isómero gamma-lindano)
34123-59-6	Isoproturón
7439-92-1	Chumbo e os seus compostos
7439-97-6	Mercurio e os seus compostos
91-20-3	Naftaleno
7440-02-0	Níquel e os seus compostos
25154-52-3	Nonilfenois
104-40-5	4-(para)-nonilfenol
1806-26-4	Octilfenois
140-66-9	(Para-ter-octilfenol)
608-93-5	Pentaclorobenceno
87-86-5	Pentaclorofenol
non aplicable	Hidrocarburos poliaromáticos
50-32-8	(Benzo(a)pireno)
205-99-2	(Benzo(b)fluoranteno)
191-24-2	(Benzo(g,h,i)perileno)
207-08-9	(Benzo(k)fluoranteno)
193-39-5	(Indeno(1,2,3-cd)pireno)
122-34-9	Simazina
688-73-3	Compostos do tributilestaño
36643-28-4	Tributiltín catión de tributilestaño
12002-48-1	Triclorobencenos
120-82-1	(1,2,4-triclorobenceno)
67-66-3	Triclorometano (cloroformo)
1582-09-8	Trifluralina

(1) CAS: número de rexistro do *Chemical Abstract Services*.

(\*\*\*\*) Inclúense nas zonas de categoría I: as destinadas á produción de auga potable, as zonas aptas para o baño, as zonas aptas para a vida dos salmónidos, as zonas declaradas de protección especial e os perímetros de protección previstos no artigo 56.3 do texto refundido da Lei de augas. Así mesmo, tódalas verteduras ás augas subterráneas. Tamén se inclúen nesta categoría os ámbitos territoriais indicados na resolución do 25 de maio de 1998, da Secretaría de Estado de Augas e Costas, pola que se declaran as zonas sensibles nas bacías hidrográficas intercomunitarias (BOE do 30 de xuño de 1998); neste último suposto, o coeficiente correspondente a esta categoría aplicarase unicamente:

a) En canto ás verteduras de augas residuais urbanas, ós núcleos de poboación indicados na mencionada resolución.

b) En canto ás verteduras de augas residuais industriais, a aquelas industrias localizadas en calquera punto dos ámbitos territoriais relacionados na mencionada resolución a autorización de vertedura das cales prevexa condicións específicas para o tratamento, redución ou limitación do nitróxeno ou o fósforo.

Inclúense nas zonas de categoría II: as zonas aptas para a vida dos ciprínidos e para a cría de moluscos, así como calquera outra para a que os plans hidrolóxicos de bacía determinasen un uso público recreativo.

Inclúense nas zonas de categoría III aquelas non incluídas nas categorías anteriores.

As definicións anteriores refírense ós conceptos regulados no Real decreto 927/1988 e na súa aplicación teranse en conta os obxectivos que, para cada horizonte temporal, os plans hidrolóxicos de bacía establecesen para cada medio receptor.

Nos supostos en que coincidan dous ou máis usos no mesmo medio receptor no que se efectúa a vertedura, aplicarase o factor máis elevado.

A aplicación dos factores esténdese ás zonas de influencia que conteñan os plans hidrolóxicos sempre que estean efectivamente delimitadas.

B) Vertedura de piscifactorías: no caso de que os valores dos parámetros característicos de contaminación da vertedura sexan inferiores ós fixados como obxectivo de calidade do medio receptor, o coeficiente será 0,006. De non cumprirse esta condición, o coeficiente multiplicarase por 3.

C) Aguas de achique procedentes de actividades mineiras: no caso de que os valores dos parámetros característicos de contaminación da vertedura sexan inferiores ós fixados como obxectivo de calidade do medio receptor, o coeficiente será 0,006. De non cumprirse esta condición, o coeficiente multiplicarase por 3.

D) Aguas de refrixeración: aplicaranse os coeficientes da táboa adxunta, sempre que a vertedura non ocasione o incumprimento do obxectivo de calidade fixado para a temperatura no medio receptor e, ademais, non se altere o valor do resto de parámetros ou substancias da vertedura respecto á auga de captación.

Se o río non ten fixados obxectivos de calidade, o incremento de temperatura media dunha sección fluvial trala zona de dispersión non superará os 3°C.

En lagos ou encoros, a temperatura da vertedura non superará os 30°C.

Volume Hm <sup>3</sup>	Coefficientes de minoración (1)
Menor de 100 .....	0,02000
100 a 250 .....	0,01166
250 a 1.000 .....	0,00566
Superior a 1.000 .....	0,00125

De non cumprirse algunha das condicións anteriores, os coeficientes multiplicaranse por 3.

O importe do canon determinarase por adición dos importes parciais que resulten de aplicarlos sucesivos tramos da escala.

(1) No caso de centrais térmicas, sexan convencionais ou nucleares, que utilicen a auga como refrixeración, os coeficientes da táboa corresponden a un funcionamento tipo de 6.000 horas anuais no caso das centrais térmicas convencionais, e 8.000 horas anuais no caso das centrais nucleares. Estes coeficientes multiplicaranse pola relación entre o número de horas de funcionamento realmente habidas no ano e as correspondentes horas de funcionamento tipo.»



**Disposición adicional primeira. Concordancias.**

As referencias á Lei de augas contidas no Regulamento de dominio público hidráulico entenderanse feitas ó artigo correspondente do texto refundido da Lei de augas, aprobado por Real decreto lexislativo 1/2001, do 20 de xullo, segundo a táboa recollida no anexo deste real decreto.

**Disposición adicional segunda. Administración hidráulica das bacías internas dunha comunidade autónoma.**

As funcións que, de acordo co Regulamento do dominio público hidráulico, exercen os organismos de bacía naquelas que excedan do ámbito territorial dunha comunidade autónoma, corresponderán ás administracións hidráulicas daquelas comunidades autónomas que, no seu propio territorio e en virtude dos seus estatutos de autonomía, exerzan competencias sobre o dominio público hidráulico e se trate de bacías hidrográficas comprendidas integramente dentro do seu ámbito territorial.

**Disposición adicional terceira. Substancias perigosas.**

As substancias perigosas a que se refire o Regulamento do dominio público hidráulico son as expresadas en:

- a) As relacións I e II do anexo III do propio regulamento.
- b) O Real decreto 995/2000, do 2 de xuño, polo que se fixan obxectivos de calidade para determinadas substancias contaminantes e se modifica o Regulamento do dominio público hidráulico, aprobado polo Real decreto 849/1986, do 11 de abril.
- c) A orde do 12 de novembro de 1987, sobre normas de emisión, obxectivos de calidade e métodos de medición de referencia relativos a determinadas substancias nocivas ou perigosas contidas nas verteduras de augas residuais, modificada polas ordes do 13 de marzo de 1989, 27 de febreiro de 1991, 28 de xuño de 1991 e 25 de maio de 1992.
- d) A Decisión n.º 2455/2001/CE do Parlamento Europeo e do Consello, do 20 de novembro de 2001, pola que se aproba a lista de substancias prioritarias no ámbito da política de augas, e pola que se modifica a Directiva 2000/60/CE.

Cando se trate de verteduras que afecten ou poidan afecta-las augas subterráneas, os compostos químicos «cianuros» que figuran no parágrafo g) da relación II do anexo III, así como os aceites minerais non persistentes ou hidrocarburos de orixe petrolífera non persistentes do parágrafo f) da dita relación, consideraranse que forman parte da relación I e, polo tanto, nos casos indicados serán obxecto de tódalas limitacións que se esixan para as restantes substancias da citada relación I.

**Disposición adicional cuarta. Normas de calidade ambiental.**

As mencións do Regulamento do dominio público hidráulico ás normas de calidade ambiental enténdense feitas ós obxectivos de calidade indicados nas normas que a seguir se indican:

- a) Real decreto 1664/1998, polo que se aproban os plans hidrolóxicos de bacía.
- b) Real decreto 995/2000, do 2 de xuño, polo que se fixan obxectivos de calidade para determinadas subs-

tancias contaminantes e se modifica o Regulamento do dominio público hidráulico, aprobado polo Real decreto 849/1986, do 11 de abril.

- c) Orde do 12 de novembro de 1987, sobre normas de emisión, obxectivos de calidade e métodos de medición de referencia relativos a determinadas substancias nocivas ou perigosas contidas nas verteduras de augas residuais, modificada polas ordes do 13 de marzo de 1989, 27 de febreiro de 1991, 28 de xuño de 1991 e 25 de maio de 1992.

**Disposición transitoria primeira. Acuíferos sobreexplotados.**

Nos acuíferos que, no momento de entrada en vigor deste real decreto, contén cunha declaración provisional de sobrebrexplotación ou de risco de o estaren, o organismo de bacía deberá aprobar no prazo máximo de dous anos un plan de ordenación nos termos que regula o artigo 171 do Regulamento do dominio público hidráulico.

**Disposición transitoria segunda. Réxime das autorizacións de vertedura outorgadas conforme a Lei 29/1985, do 2 de agosto, de augas.**

1. O organismo de bacía revisará, no prazo de dous anos, as autorizacións de vertedura concedidas no momento de entrada en vigor deste real decreto, para as adaptar ó disposto nos artigos 245 e seguintes do Regulamento de dominio público hidráulico.
2. Os solicitantes de autorizacións de vertedura xa formuladas pero pendentes de outorgamento no momento de entrada en vigor deste real decreto disporán dun prazo de tres meses que se contará desde a aprobación do modelo de declaración de vertedura para adaptalas solicitudes ó disposto nos artigos 245 e seguintes do Regulamento de dominio público hidráulico.

**Disposición transitoria terceira. Empresas colaboradoras.**

As empresas colaboradoras inscritas no rexistro especial no momento de entrada en vigor deste real decreto deberán acomodarse ós requisitos establecidos no artigo 255 do Regulamento do dominio público hidráulico, no prazo dun ano desde a entrada en vigor das condicións a que se refire o punto 2 do mesmo artigo.

Transcorrido o dito prazo, quedará suprimido o rexistro especial de empresas colaboradoras, e as empresas que se adaptasen conforme o disposto no parágrafo anterior serán inscritas no rexistro especial de entidades colaboradoras.

**Disposición derogatoria única. Derrogación normativa.**

Quedan derogadas cantas disposicións de igual ou inferior rango se opoñan ó disposto neste real decreto, e en particular:

- a) O Real decreto 484/1995, do 7 de abril, sobre medidas de regularización e control de verteduras.
- b) A Orde ministerial do 23 de decembro de 1986, pola que se dictan normas complementarias en relación coas autorizacións de verteduras de augas residuais.
- c) O Real decreto 1327/1995, do 28 de xullo, sobre as instalacións de desalgamento de auga mariña ou salobre.

**Disposición derradeira primeira. *Habilitación normativa.***

Autorízase o ministro de Medio Ambiente para dictar cantas disposicións resulten necesarias para a aplicación e desenvolvemento do Regulamento do dominio público hidráulico.

**Disposición derradeira segunda. *Entrada en vigor.***

Este real decreto entrará en vigor o día seguinte ó da súa publicación no «Boletín Oficial del Estado».

Dado en Madrid o 23 de maio de 2003.

JUAN CARLOS R.

A ministra de Medio Ambiente,  
MARÍA ELVIRA RODRÍGUEZ HERRER

**ANEXO****Correspondencia entre os preceptos da Lei de augas citados no Regulamento do dominio público hidráulico e os do texto refundido da Lei de augas**

Regulamento do dominio público hidráulico — Artigo	Lei de augas — Artigo	Texto refundido — Artigo
1.2	1.2	1.2
1.3	1.3	1.3
1.4	1.4	1.4
2	2	2
3.1	3	3
4.1	4	4
5.2	5	5
6	6	6
9.2	6	6
10.1	7	7
11	8	8
12.2	9	9
13	10	10
14.2	11	11
15.2	52.2	54.2
«	12	12
16.2	45	47
17.1	46.3	48.3
17.2	46.4	48.4
17.3	46.5	48.5
18.1	46.1	48.1
40	47	49
41	46.2	48.2
50.1	48.1	50.1
50.2	48.2	50.2
50.3	48.3	50.3
50.4	48.4	50.4
51.1	49	51
53.1	15, d)	17, d)
54.2	104	112
61	70	78
63.2	104	112
70.2	69	77
72.5	104	112
83.2	50	52
84.1	52.1	54.1
84.2	52.2	54.2
87.1	48.4	50.4
89.5	51	53

Regulamento do dominio público hidráulico — Artigo	Lei de augas — Artigo	Texto refundido — Artigo
90.3	53	55
93.1	57.1	59.1
93.2	71.2	79.2
93.3	22, a)	24, a)
94	71	79
«	58.3	60.3
96.1	57.2	59.2
96.2	57.3	59.3
97.1	57.4	59.4
97.2	57.5	59.5
98.4	58	60
99.4	59	61
100.3	51.3	53.3
100.4	60	62
103	61	63
108.3 e 4	53.3	55.3
115.1	58	60
«	51	53
«	53	55
«	56	58
«	62	64
«	63	65
«	64	66
115.3	60.2,3 e 4	62.2,3 e 4
117	15, c)	17, c)
123.2	81	89
125.4	51.3	53.3
136.5	104	112
140	60.3	62.3
143	62	64
150.2	Disp. trans. primeira, puntos 1 e 2	Disp. trans. primeira, puntos 1 e 2
152.1	58	60
154.1	57.6	59.6
156.1 e 3	63	65
161.2	64	66
162.4	60.3	62.3
166.1	58.2	60.2
168.1	51	53
168.3	108, c)	116, c)
169.1	51, b), c) e d)	53.1, b), c) e d)
169.3	51.1, b)	53.1, b)
170.1	51.1	53.1
170.2	51.4	53.4
172.1	54.2	56.2
173.1 e 7	54.3	56.3
174.1	55.1	57.1
175.1	55.2	57.2
176.1	55.3	57.3
177.2	52.2	54.2
178.1	65	73
179.1	66.1	74.1
180.1	66.2	74.2
180.4	66.3	74.3
184.1	52.2	54.2
184.4	68	76
184.10	66.3	74.3
185	67	75
198.1	73.1	81.1
198.3	78	86
199.1	74.1	82.1
200.1	74.2	82.2
203.1	73.5	81.5
204.1	73.2	81.2

Regulamento do dominio público hidráulico — Artigo	Lei de augas — Artigo	Texto refundido — Artigo
204.2	73.3	81.3
204.3	73.4	81.4
205.1	74.3	82.3
205.4	74.4	82.4
209.1	75.1	83.1
210.1	75.2	83.2
211.1	75.3	83.3
212.1	75.4	83.4
215.1	77	85
216.1	76.1	84.1
216.2	76.2	84.2
219.1	76.3	84.3
223	76.6	84.6
227.1	76.5	84.5
228.1	79	87
228.2	80	88
228.3	79	87
«	80	88
229.2	74	82
«	81	89
230	82	90
231	83	91
232	84	92
233.1	85	93
234	92	100
234 d)	89	97
235.1	86	94
235.2	87	95
236	90	98
243.1	9	9
243.3	88	96
244.1	91	99
272.1	101	109
274	102	110
275.1	103.1	111.1
276.1	103.2	111.2
279.1	103.3	111.3
280.1	103.4	111.4
280.2	103.5	111.5
283.1	103.6	111.6
284.1	104.1	112.1
284.2	104.2	112. 2, 3, 4 e 5
284.3	104.3	112.6
285	104	112
«	2, b) e c)	2, b) e c)
295.4	40, e)	42, e)
«	105.3	113.5
296.5	106	114
297	106.1	114.1
304	106.2	114.2
313.2	107.2	115.2
314	108	116
«	109	117
317	108, g)	116, g)
321	109.1	117.1
322.1	109.2	117.2
322.2	109.1	117.1
323.1	110.1	118.1
323.2	110.2	118.2
324.1	111	119
341	112	120
342	113	121
Disposición transi- toria primeira. 1	Disposición derra- deira cuarta	Disposición derra- deira terceira

## MINISTERIO DE SANIDADE E CONSUMO

**11610** *ORDE SCO/1512/2003, do 2 de xuño, pola que se modifica o anexo do Real decreto 1917/1997, do 19 de decembro, polo que se establecen as normas de identidade e pureza dos aditivos alimentarios distintos de colorantes e edulcorantes utilizados nos produtos alimenticios. («BOE» 138, do 10-6-2003.)*

A Directiva 89/107/CEE, do Consello, do 21 de decembro de 1988, relativa á aproximación das lexislacións dos estados membros sobre aditivos alimentarios autorizados nos produtos alimenticios destinados ó consumo humano, foi incorporada ó ordenamento xurídico interno polo Real decreto 1111/1991, do 2 de xullo, polo que se modifica a Regulamentación técnico-sanitaria de aditivos alimentarios, aprobada polo Real decreto 3177/1983, do 16 de novembro, e modificada polo Real decreto 1339/1988, do 28 de outubro.

A mencionada Directiva 89/107/CEE incluía as diferentes categorías de aditivos a regulación das cales se levou a cabo mediante directivas específicas.

Posteriormente a esta adecuación en canto á utilización dos aditivos, cumpría establece-los criterios de identidade e pureza para os mesmos.

En canto ós aditivos distintos de colorantes e edulcorantes, regulados mediante a Directiva 95/2/CE, do Parlamento Europeo e do Consello, do 20 de febreiro de 1995, modificada polas Directivas 98/72/CE e 2001/5/CE, foron incorporadas ó noso dereito interno mediante o Real decreto 142/2002, do 1 de febreiro, polo que se aproba a lista positiva de aditivos distintos de colorantes e edulcorantes para o seu uso na elaboración de produtos alimenticios, así como as súas condicións de utilización.

Establecéronse para algunhas categorías deses aditivos determinados criterios de identidade e pureza. Así se realizou nunha primeira etapa, mediante a Directiva 96/77/CE, da Comisión, do 2 de decembro, pola que se establecen os criterios específicos de pureza en relación con determinados aditivos alimentarios distintos de colorantes e edulcorantes, utilizados nos produtos alimenticios e incorporada ó noso ordenamento interno mediante o Real decreto 1917/1997, do 19 de decembro.

A publicación da Directiva 98/86/CE, da Comisión, do 11 de novembro, pola que se modifica a Directiva 96/77/CE, que establece os criterios específicos de pureza dos aditivos alimentarios distintos dos colorantes e edulcorantes, constitúe unha segunda etapa no establecemento dos ditos criterios de pureza, a transposición dos cales á normativa nacional se realizou mediante a posta en vigor do Real decreto 1802/1999, do 26 de novembro.

Nunha terceira etapa, establécense os criterios de pureza de parte dos aditivos mencionados na Directiva 95/2/CE, mediante a publicación da Directiva 2000/63/CE da Comisión, do 5 de outubro, que modifica a Directiva 96/77/CE, incorporada ó noso ordenamento xurídico pola Orde do 11 de xuño de 2001.

Na cuarta etapa, establécense os criterios de pureza dos aditivos mencionados na Directiva 95/2/CE mediante a publicación da Directiva 2001/30/CE, da Comisión, do 5 de maio, que modifica a Directiva 96/77/CE, incorporada ó noso ordenamento xurídico pola Orde 1050/2002, do 7 de maio.

Nesta quinta etapa actual modifícanse algúns criterios de pureza dos aditivos mencionados na Directiva 95/2/CE e establécense outros novos para os aditivos